

1974/2

საქართველო
ბიბლიოთეკა



საქართველოს სსრ მთავრობის ღარგენიღებათა კრებული

№ 5

საქმიმბერი-მამომბერი

1974 წ.



საქართველოს სსრ მთავრობის დადგენილებათა კრებული

№ 5

სამშენებარი—ოქტომბერი

1974 წ.

შ ი ნ ა ა რ ს ი

საქართველოს კვ ცენტრალური კომიტეტისა და საქართველოს სსრ მინისტრთა
საბჭოს დადგენილებები

71. სსრ კავშირის მინისტრთა საბჭოს 1974 წლის 12 ივლისის № 565 დადგენილებასთან დაკავშირებით საქართველოს კვ ცენტრალური კომიტეტისა და საქართველოს სსრ მინისტრთა საბჭოს ზოგიერთი დადგენილების ძალადაკარგულად ჩათვლის შესახებ
72. საქართველოს კვ ცენტრალური კომიტეტისა და საქართველოს სსრ მინისტრთა საბჭოს 1960 წლის 15 აგვისტოს № 589 დადგენილების 1-ლი და მე-2 პუნქტების ძალადაკარგულად ჩათვლის შესახებ.
73. ნაკლებზრუნველყოფილი ბავშვებიანი ოჯახებისათვის მატერიალური დახმარების შემდგომი გადიდების შესახებ
74. საქართველოს სსრ სასოფლო მშენებლობის სამინისტროს სისტემაში სპეციალიზებულ სამშენებლო-სამონტაჟო ორგანიზაციის „საქსათბურმშენის“ შექმნის შესახებ

საქართველოს სსრ მინისტრთა საბჭოს დადგენილებები

75. სსრ კავშირის მინისტრთა საბჭოს 1974 წლის 12 ივლისის № 565 დადგენილებასთან დაკავშირებით საქართველოს სსრ მინისტრთა საბჭოს ზოგიერთი დადგენილების ძალადაკარგულად ჩათვლის შესახებ
76. კასბის საქალაქო საზღვრების შესახებ

ქ. შარტავის სსრ. საქ. სსრ

1969

77. საქართველოს სსრ სახალხო კომისართა საბჭოს 1939 წლის 26 დეკემბრის № 2495 დადგენილების ძალადაკარგულად ჩათვლის შესახებ
78. სსრ კავშირის მინისტრთა საბჭოს 1974 წლის 2 ივლისის № 538 დადგენილებასთან დაკავშირებით საქართველოს სსრ მინისტრთა საბჭოს დადგენილებათა შეცვლისა და ძალადაკარგულად ჩათვლის შესახებ
79. საქართველოს სსრ საბინაო-კომუნალური მეურნეობის სამინისტროს დებულების დამტკიცების შესახებ
80. სახელმწიფო ან საზოგადოებრივი საქიროებისათვის მიწების გამოყოფისას მიწათმოსარგებლეთათვის ზარალისა და სასოფლო-სამეურნეო წარმოების დანაკარგების ანაზღაურების შესახებ
81. საქართველოს სსრ მეცნიერებათა აკადემიის ივ. ჯავახიშვილის სახელობის ისტორიის, არქეოლოგიისა და ეთნოგრაფიის ინსტიტუტისათვის მცხეთის რაიონის სოფელ ძალისში არქეოლოგიური გათხრების წარმოების ნებართვის შესახებ
82. საცხოვრებელი სახლებისა და აგარაკების თვითნებურად მშენებლობის შესახებ
83. საქართველოს სსრ მინისტრთა საბჭოს 1965 წლის 16 მარტის № 159 დადგენილებას ძალადაკარგულად ჩათვლის შესახებ
84. საქართველოს სსრ მინისტრთა საბჭოს სამონტაჟო და სპეციალურ სამშენებლო სამუშაოთა სამმართველოს დებულებაში ცვლილებათა შეტანის შესახებ
85. საქართველოს სსრ რესპუბლიკაში ელექტროგასანათებელი ქსელებისა და დანადგარების ექსპლუატაციის შემდგომი გაუმჯობესებისა და მშენებლობის ღონისძიებათა შესახებ
86. ქალაქ თბილისის საზღვრის შესახებ
87. საქართველოს სსრ მინისტრთა საბჭოს კაპიტალური მშენებლობის მთავარი სამმართველოს დებულების დამტკიცების შესახებ
88. სასოფლო და საღებო საბჭოების ტერიტორიაზე მოქმედი ავტოკლუბების, ავტობობლიოთეკების, სახალხო თვითმოქმედი თეატრებისა და კოლექტივების შტატის მუშაკების უფასო კომუნალური მომსახურების შესახებ
89. მოსწავლეთა შრომითი სწავლებისა და პროფესიული ორიენტაციის სასკოლათშორისო სასწავლო-საწარმოო კომბინატების ორგანიზაციის შესახებ
90. „საქართველოს სსრ ქალაქებისა და რაიონების მოსახლეობის სავაჭრო მომსახურებაში პარალელისმის ლიკვიდაციის ღონისძიებათა შესახებ“ საქართველოს სსრ მინისტრთა საბჭოს 1973 წლის 30 ნოემბრის № 693 დადგენილების ნაწილობრივ შეცვლის თაობაზე
91. ხანგრძლივი მშრალი ამინდის გამო ხანძრის გაჩენისაგან ტყეების დაცვის გადაუდებელ ღონისძიებათა შესახებ
92. საავტომობილო ტრანსპორტით გადაზიდვისას კონტეინერების არაჯეროვანი გამოყენებისათვის ტვირთვამგზავნთა, ტვირთმიმღებთა და ავტოსატრანსპორტო ორგანიზაციათა მატერიალური პასუხისმგებლობის შესახებ
93. იმ მუშებისა და მოსამსახურეების, აგრეთვე მასწავლებლების, ექიმებისა და სხვა სპეციალისტების ნუსხის დამტკიცების შესახებ, რომლებიც მუდმივად ცხოვრობენ და მუშაობენ სოფლად და უფლება აქვთ ისარგებლონ საკარმიდამო მიწის ნაკვეთით

საქართველოს კვ ცენტრალური კომიტეტისა და
 საქართველოს სსრ მინისტრთა საბჭოს
 დადგენილებები

71 სსრ კავშირის მინისტრთა საბჭოს 1974 წლის 12 ივლისის № 567 დადგენილებასთან დაკავშირებით საქართველოს კვ ცენტრალური კომიტეტისა და საქართველოს სსრ მინისტრთა საბჭოს ზოგიერთი დადგენილების ძალადაკარგულად ჩათვლის შესახებ

„კოლმეურნეობათა შესახებ სსრ კავშირის მთავრობის ზოგიერთი გადაწყვეტილების ძალადაკარგულად ჩათვლის თაობაზე“ სსრ კავშირის მინისტრთა საბჭოს 1974 წლის 12 ივლისის № 565 დადგენილების შესაბამისად საქართველოს კვ ცენტრალური კომიტეტი და საქართველოს სსრ მინისტრთა საბჭო ადგენენ:

1. ძალადაკარგულად ჩაითვალოს მე-13 პუნქტი საქართველოს სსრ მინისტრთა საბჭოსა და საქართველოს კვ (ბ) ცენტრალური კომიტეტის 1948 წლის 12 ოქტომბრის № 1185 დადგენილებისა „საქართველოს სსრ რესპუბლიკაში 1948-1949 წლის სეზონის შემოდგომა-ზამთრის ხე-ტყის დამზადების შესახებ“.

ბ) საქართველოს სსრ მინისტრთა საბჭოსა და საქართველოს კვ (ბ) ცენტრალური კომიტეტის 1949 წლის 3 ოქტომბრის № 1332 დადგენილება „სსრ კავშირის შრომითი რეზერვების სამინისტროს საქართველოს რესპუბლიკური სამმართველოს საფაბრიკო-საქარხნო სწავლების სკოლებსა და სამთამადნო მრეწველობის სკოლებში ახალგაზრდობის მორიგი გაწვევის (მობილიზაციის) შესახებ“;

გ) მე-8 პუნქტი საქართველოს სსრ მინისტრთა საბჭოსა და საქართველოს კვ (ბ) ცენტრალური კომიტეტის 1950 წლის 17 ოქტომბრის № 1440 დადგენილებისა „საქართველოს სსრ რესპუბლიკაში 1950-1951 წლების სეზონში შემოდგომა-ზამთრის ხე-ტყის დამზადების შესახებ“.

2. მიღებულ იქნეს ცნობად, რომ სსრ კავშირის მინისტრთა საბჭოს 1974 წლის 12 ივლისის № 565 დადგენილებით ძალადაკარგულად ჩაითვალოს 24-ე პუნქტი, 30-ე პუნქტის „ბ“ ქვეპუნქტი და „გ“ ქვეპუნქტის პირველი აბზაცი და 31-ე პუნქტი სსრ კავშირის მინისტრთა საბჭოს 1948 წლის 29 მაისის № 1803 დადგენილებისა „სასოფლო ელექტროფიკაციის განვითარების 1948-1950 წლების გეგმის შესახებ“, რომელიც დაგზავნილია საქართველოს სსრ მინისტრთა საბჭოსა და საქართველოს კვ (ბ) ცენტრალური კომიტეტის 1948 წლის 15 ოქტომბრის № 1220 დადგენილებით.

საქართველოს კვ
 ცენტრალური კომიტეტის მდივანი
 ვ. შვიპარდნაძე.

საქართველოს სსრ
 მინისტრთა საბჭოს თავმჯდომარე
 ბ. ჯავახიშვილი.



72 საქართველოს კვ ცენტრალური კომიტეტისა და საქართველოს სსრ მინისტრთა საბჭოს 1960 წლის 15 აპრილის № 589 დადგენილების 1-ლი და მე-2 პუნქტების ძალადაკარგულად ჩათვლის შესახებ

„ამოიჩინათა, გამოგონებათა და რაციონალიზატორულ წინადადებათა დებულების დამტკიცების შესახებ“ სსრ კავშირის მინისტრთა საბჭოს 1973 წლის 21 აგვისტოს № 584 დადგენილებასთან დაკავშირებით სსრ კავშირის მთავრობის გადაწყვეტილებათა შეცვლისა და ძალადაკარგულად ჩათვლის თაობაზე“ სსრ კავშირის მინისტრთა საბჭოს 1974 წლის 2 ივლისის № 538 დადგენილების შესაბამისად საქართველოს კვ ცენტრალური კომიტეტი და საქართველოს სსრ მინისტრთა საბჭო ა დ გ ე ნ ე ნ:

ძალადაკარგულად ჩაითვალოს 1-ლი და მე-2 პუნქტები საქართველოს კვ ცენტრალური კომიტეტისა და საქართველოს სსრ მინისტრთა საბჭოს 1960 წლის 15 აგვისტოს № 589 დადგენილებისა „საქართველოს სსრ სახალხო მეურნეობაში გამოგონებათა და რაციონალიზატორულ წინადადებათა დანერგვის გაუმჯობესების ზომების შესახებ“.

საქართველოს კვ
ცენტრალური კომიტეტის
მდივანი
ე. შვიპარდნაძე.

საქართველოს სსრ
მინისტრთა საბჭოს თავმჯდომარის
მოადგილე
ზ. კიკნაძე.

ქ. თბილისი, 1974 წ. 26 სექტემბერი, № 540

73 ნაკლებზრუნველყოფილი ბავშვებიანი ოჯახებისათვის მატერიალური დახმარების შემდგომი გადიდების შესახებ

საქართველოს კვ ცენტრალური კომიტეტი და საქართველოს სსრ მინისტრთა საბჭო ა დ გ ე ნ ე ნ:

1. სკკვ ცენტრალური კომიტეტისა და სსრ კავშირის მინისტრთა საბჭოს 1974 წლის 12 სექტემბრის № 748 დადგენილება „ნაკლებზრუნველყოფილი ბავშვებიანი ოჯახებისათვის მატერიალური დახმარების შემდგომი გადიდების შესახებ“ დაეგზავნოთ სახელმძღვანელოდ და შესასრულებლად საქართველოს კვ საოლქო, საქალაქო და რაიონულ კომიტეტებს, აფხაზეთის ასსრ და აჭარის ასსრ მინისტრთა საბჭოებს, სამხრეთ ოსეთის ავტონომიური ოლქის, ქალაქებისა და რაიონების მშრომელთა დეპუტატების საბჭოების აღმასკომებს, საქართველოს პროფკავშირთა რესპუბლიკურ საბჭოს, სამინისტროთა და უწყებათა ხელმძღვანელებს.

2. დაევალოთ საქართველოს კვ საოლქო, საქალაქო და რაიონულ კომიტეტებს, აფხაზეთის ასსრ და აჭარის ასსრ მინისტრთა საბჭოებს, სამხრეთ ოსეთის ავტონომიური ოლქის, ქალაქებისა და რაიონების მშრომელთა დეპუტატების საბჭოების აღმასკომებს, პროფკავშირულ და კომკავშირულ ორგანოებს, სამი-

ნისტროთა და უწყებათა ხელმძღვანელებს გაშალონ მუშაობა აღნიშნული ღონისძიების პოლიტიკური და სოციალური მნიშვნელობის ახსნა-განმარტებისათვის და გასწიონ საჭირო მუშაობა მისი განხორციელებისათვის.

საქართველოს კპ
ცენტრალური კომიტეტის
მდივანი
ა. შავერდიაძე.

საქართველოს სსრ
მინისტრთა საბჭოს თავმჯდომარის
მოადგილე
შ. კიკნაძე.

ქ. თბილისი, 1974 წ. 15 ოქტომბერი, № 566

**საკპ ცენტრალური კომიტეტი და სსრ კავშირის
მინისტრთა საბჭო**

დადგენილება № 748

1974 წლის 12 სექტემბერი

მოსკოვი, კრემლი

ნაკლებზუსრუნველყოფილი ბავშვებიანი ოჯახებისათვის მატარიალური დახმარების შემდგომი გადიდების შესახებ

სსრ კავშირის სახალხო მეურნეობის განვითარების 1971-1975 წლების ხუთწლიანი გეგმის თაობაზე სკკპ XXIV ყრილობის დირექტივების შესაბამისად სკკპ ცენტრალური კომიტეტი და სსრ კავშირის მინისტრთა საბჭო ადგენენ:

1. მიზანშეწონილად ჩაითვალოს შემოღებულ იქნეს 1974 წლის 1 ნოემბრიდან ბავშვთა დახმარება იმ ოჯახებისათვის, რომელთა საშუალო ერთობლივი შემოსავალი ოჯახის წევრზე არ აღემატება 50 მანეთს თვეში.

ბავშვთა დახმარება დაენიშნებათ და მიეცემათ 12 მანეთის ოდენობით თვეში თითოეულ ბავშვზე 8 წლის ასაკის მიღწევამდე.

2. მუშათა, მოსამსახურეთა, მოსწავლეთა, სამხედრო მოსამსახურეთა და კოლმეურნეობების წევრთა ოჯახებისათვის ბავშვთა დახმარების დანიშვნისა და გაცემისათვის მუშაობა დაეკისროთ საწარმოებს, დაწესებულებებს, ორგანიზაციებს, სამხედრო ნაწილებსა და კოლმეურნეობებს, ხოლო არმომუშავე პენსიონერთა და ზოგიერთი სხვა კატეგორიის მოქალაქეთა ოჯახებისათვის — სოციალური უზრუნველყოფის ორგანოებს.

3. მუშათა, მოსამსახურეთა, მოსწავლეთა, სამხედრო მოსამსახურეთა და პენსიონერთა ოჯახებს ბავშვთა დახმარება მიეცემათ სახელმწიფო სოციალური დაზღვევის ბიუჯეტში გადაცემული სახელმწიფო ბიუჯეტის სახსრების ხარჯზე, ხოლო კოლმეურნეობების წევრთა, კოლმეურნეობების წევრ პენსიონერთა და კოლმეურნეობებში შრომითი ხელშეკრულებით მომუშავე მუშათა და მოსამსახურეთა ოჯახებს — კოლმეურნეთა სოციალური უზრუნველყოფის ცენტრალიზებული საკავშირო ფონდის სახსრების ხარჯზე.



4. შეტანილ იქნეს სსრ კავშირის უმაღლესი საბჭოს პრეზიდიუმში პროექტი ბრძანებულებისა „ნაკლებზრუნველყოფილი ოჯახებისათვის ბავშვთა დახმარებისათვის შემოღების შესახებ“.



ნაკლებზრუნველყოფილი ოჯახებისათვის ბავშვთა დახმარების შემოღება ახალი სოციალურ-ეკონომიური ღონისძიებაა, რომელიც მიზნად ისახავს საბჭოთა ოჯახის კეთილდღეობის გაუმჯობესებასა და მის განმტკიცებას, მოწმობს სოციალისტური სახელმწიფოს მუდმივ ზრუნვას მოზარდი თაობის აღზრდისათვის.

სკკპ ცენტრალური კომიტეტი და სსრ კავშირის მინისტრთა საბჭო წინადადებას აძლევენ პარტიულ, საბჭოთა, პროფკავშირულ და კომკავშირულ ორგანოებს, სამინისტროთა, უწყებათა, საწარმოთა, ორგანიზაციათა და კოლმეურნეობათა ხელმძღვანელებს გააშრონ მუშაობა აღნიშნული ღონისძიების პოლიტიკური და სოციალური მნიშვნელობის ასხნა-განმარტებისათვის და გასწიონ საქირო მოსამზადებელი მუშაობა მისი განხორციელებისათვის.

სკკპ
ცენტრალური კომიტეტის
მდივანი
ლ. ბრეჟნევი.

სსრ კავშირის
მინისტრთა საბჭოს
თავმჯდომარე
ა. კოსიგინი.

74 საქართველოს სსრ სასოფლო მშენებლობის სამინისტროს სის- ბეაში სპეციალიზებული საოჯახო-სამონტაჟო ორგანი- ზაციის „საქსათბურმშენი“ შიშის შესახებ

რესპუბლიკაში სასათბურო მეურნეობის მშენებლობის გეგმის შესრულების უზრუნველყოფის, სამუშაოთა ხარისხის გაუმჯობესებისა და აღნიშნული მშენებლობის მართვის ორგანიზაციული სტრუქტურის სრულყოფის მიზნით საქართველოს კპ ცენტრალური კომიტეტი და საქართველოს სსრ მინისტრთა საბჭო ადგენენ:

1. მოწონებულ იქნეს საქართველოს სსრ სასოფლო მშენებლობის სამინისტროს წინადადება იმის შესახებ, რომ 1975 წლიდან მის სისტემაში შეიქმნას სასათბურო მეურნეობათა მშენებლობის სპეციალიზებული სამშენებლო-სამონტაჟო ორგანიზაცია „საქსათბურმშენი“, და დაეკისროს აღნიშნულ ორგანიზაციას სათბურების მშენებლობისა და მონტაჟის განხორციელება რესპუბლიკის კოლმეურნეობებში, საბჭოთა მეურნეობებში და ყველა სამინისტროსა და უწყების სხვა მეურნეობებში.

2. საქართველოს სსრ მინისტრთა საბჭოს რესპუბლიკურმა გაერთიანებამ „საქსოფლტექნიკამ“ განახორციელოს მშენებარე სასათბურო მეურნეობათა

კომპლექტაცია მოწყობილობით, კაბელის პროდუქციითა და სპეციალურ საღებავებით.

3. საქართველოს სსრ სახელმწიფო საგეგმო კომიტეტმა, რესპუბლიკის სამინისტროებმა და უწყებებმა გაითვალისწინონ 1975 წლიდან საქართველოს სსრ სასოფლო მშენებლობის სამინისტროს საიჯარო სამუშაოთა გეგმებში ყველა ახალი სასათბურო მეურნეობის მშენებლობის სამშენებლო-სამონტაჟო სამუშაოთა მოცულობანი.

4. საოქმო.

5. საქართველოს სსრ სასოფლო მშენებლობის სამინისტრომ სამი თვის ვადაში შეიმუშაოს და დაამტკიცოს დადგენილი წესით დებულება სპეციალიზებული სამშენებლო-სამონტაჟო ორგანიზაციის „საქსათბურმშენის“ შესახებ.

საქართველოს კბ
ცენტრალური კომიტეტის
მდივანი
ბ. შივარდნაძე.

საქართველოს სსრ
მინისტრთა საბჭოს თავმჯდომარის
მოადგილე
შ. კიკნაძე.

ქ. თბილისი, 1974 წ. 15 ოქტომბერი, №585

საქართველოს სსრ მინისტრთა საბჭოს დადგენილებები

75 სსრ კავშირის მინისტრთა საბჭოს 1974 წლის 12 ივლისის № 565 დადგენილებასთან დაკავშირებით საქართველოს სსრ მინისტრთა საბჭოს ზოგიერთი დადგენილების ძალადაკარგულად ჩათვლის შესახებ

„კოლმეურნეობების შესახებ სსრ კავშირის მთავრობის ზოგიერთი გადაწყვეტილების ძალადაკარგულად ჩათვისის თაობაზე“ სსრ კავშირის მინისტრთა საბჭოს 1974 წლის 12 ივლისის № 565 დადგენილების შესაბამისად საქართველოს სსრ მინისტრთა საბჭო ადგენს:

ძალადაკარგულად ჩაითვალოს:

— საქართველოს სსრ მინისტრთა საბჭოს 1950 წლის 11 აპრილის № 393 დადგენილება „გზატყეცილებისა და გრუნტის გზების მშენებლობასა და შეკეთებაში სოფლის მოსახლეობის შრომათი ზონაწილების შესახებ“ სსრ კავშირის ცაკის და სახკომსაბჭოს 1936 წლის 3 მარტის დადგენილების უხეშ დარღვევათა თაობაზე“;

— მე-3, მე-4 და მე-5 პუნქტები საქართველოს სსრ მინისტრთა საბჭოს 1952 წლის 6 მაისის № 562 დადგენილებისა „საქართველოს სსრ რესპუბლიკაში



კოლმეურნეობებისათვის მონაგარიშეთა კაღრბების მომზადების გაუმჯობესების
ზომების შესახებ“.

საქართველოს სსრ მინისტრთა საბჭოს
თავმჯდომარე **ბ. ჯაპახიშვილი**.

საქართველოს სსრ მინისტრთა საბჭოს
საქმეთა მმართველი **ზ. ახვლედიანი**.

ქ. თბილისი, 1974 წ. 2 სექტემბერი, № 492

76 კასპის საქალაქო საზღვრების შესახებ

საქართველოს სსრ მინისტრთა საბჭო ადგენს:

1. მოწონებულ იქნეს კასპის მშრომელთა დეპუტატების საქალაქო საბჭოს აღმასკომის მიერ წარმოდგენილი კასპის საქალაქო საზღვრების დადგენის პროექტი დანართში მოცემული აღწერილობის მიხედვით.

კასპის საქალაქო საზღვრებში ტერიტორიის საერთო ფართობი განისაზღვროს 832,6 ჰექტარით.

2. დადგინდეს, რომ აღნიშნულ საზღვრებში მოქცეული ფართობი წარმოადგენს ქალაქის მიწების ფონდს. ამ მიწებზე აეკრძალოს ყველა მიწათმოსარებელს ყოველგვარი სამშენებლო სამუშაოს წარმოება და მრავალწლიანი კულტურების დარგვა კასპის საქალაქო საბჭოს აღმასკომთან შეუთანხმებლად. ამასთანავე დადგინდეს, რომ ქალაქის მიწების ფონდში შემავალი მარქსის სახელობის კოლმეურნეობისა და ოკამის საბჭოთა მეურნეობის მიწები რჩება მათსავე სარგებლობაში და მათი გადაცემა, ქალაქის ზრდა-განვითარებასთან დაკავშირებით, ყოველ ცალკეულ შემთხვევაში უნდა მოხდეს მოქმედი კანონმდებლობის საფუძველზე.

3. ეთხოვოს საქართველოს სსრ უმაღლესი საბჭოს პრეზიდიუმს კასპის საქალაქო საზღვრების დამტკიცება.

საქართველოს სსრ მინისტრთა საბჭოს
თავმჯდომარე **ბ. ჯაპახიშვილი**.

საქართველოს სსრ მინისტრთა საბჭოს
საქმეთა მმართველი **ზ. ახვლედიანი**.

ქ. თბილისი, 1974 წ. 4 სექტემბერი, № 493

საქართველოს სსრ მინისტრთა საბჭოს
 1974 წლის 4 სექტემბრის № 493
 დადგენილების დანართი

ქ. კასპის საპროექტო საზღვრები და მისი აღწერილობა

კასპის საქალაქო საზღვრების საწყის პუნქტად პირობით მიღებულია ქალაქის ფარგლების უკიდურეს სამხრეთ-დასავლეთი წერტილი „A“.

„A“ წერტილიდან საზღვრის ხაზი მიემართება რკინიგზის ზოლის პერპენდიკულარულად, ჩრდილო-აღმოსავლეთ მიმართულებით, გადაკვეთს რკინიგზას და გრძელდება „B“ წერტილამდე (AB მონაკვეთის სიგრძე შეადგენს 1300 მ-ს). „B“ წერტილიდან საზღვარი მიემართება ჩრდილოეთისაკენ, კარლ მარქსის სახ. კოლმეურნეობის მიწებზე მდებარე „C“ წერტილამდე (1150 მ); შემდეგ უხვევს აღმოსავლეთისაკენ „D“ წერტილამდე (610 მ); აქედან საზღვრის ხაზი იხრება სამხრეთ-აღმოსავლეთისაკენ „E“ წერტილამდე (440 მ), რის შემდეგაც მიდის ჩრდილო-აღმოსავლეთისაკენ „F“ წერტილამდე (440 მ); „F“-დან საზღვარი კვლავ უხვევს სამხრეთ-აღმოსავლეთისაკენ, გადაკვეთს მდ. ლეხურას, მიდის „G“ წერტილამდე (660 მ) და შემდეგ ტეხილი ხაზის „G—H—K—L—M“ წერტილებით გასდევს სარწყავი არხის ტრასას (390 + 350 + 330 + 590 მ); „M“ წერტილიდან საზღვარი მიემართება აღმოსავლეთისაკენ „N“ წერტილამდე (560 მ); „N“-დან სამხრეთისაკენ „O“ წერტილამდე (630 მ), რითაც შემოფარგლავს სასაფლაოს ტერიტორიას. „O“ წერტილიდან საზღვრის ხაზი კვლავ მისდევს სარწყავი არხის ტრასას „O—P—Q—R“ წერტილებით (665 + 265 + 565 მ). „R“ წერტილიდან საზღვარი მიდის არსებული გზის პარალელურად სამხრეთ-დასავლეთისაკენ, გადაკვეთს რკინიგზას და გრძელდება „S“ წერტილამდე (800 მ); რის შემდეგაც ტეხილის „S—T—U—V“ წერტილებით მიყვება რკინიგზის გასხვიების ზოლს (550 + 410 + 410), „V“ წერტილიდან საზღვარი უხვევს სამხრეთ-დასავლეთისაკენ „X“ წერტილამდე (400 მ), „X“-დან ჩრდილო-აღმოსავლეთისაკენ მდ. ლეხურას გავლით „Y“ წერტილამდე (1075 მ); შემდეგ უფრო მეტად ტყდება ჩრდილო-დასავლეთისაკენ და ცემენტის ქარხნის ტერიტორიის შემოვლით, მიემართება რკინიგზის მაგისტრალის პარალელურად საწყის „A“ წერტილამდე (2040 მ).

საქართველოს სსრ მინისტრთა საბჭოს

საქმეთა მმართველი **ზ. ახვლედიანი.**



77 საქართველოს სსრ სახალხო კომისართა საბჭოს 1939 წლის დეკემბრის № 2495 დადგენილების ძალადაკარგულად ჩათვლის შესახებ

„სახელმწიფო მმართველობის ადგილობრივი ორგანოების საქმიანობის საკითხებზე სსრ კავშირის მთავრობის ზოგიერთი გადაწყვეტილების ძალადაკარგულად ჩათვლის შესახებ“ სსრ კავშირის მინისტრთა საბჭოს 1974 წლის 26 ივლისის № 604 დადგენილების შესაბამისად, საქართველოს სსრ მინისტრთა საბჭო ადგენს:

ძალადაკარგულად ჩაითვალოს საქართველოს სსრ სახალხო კომისართა საბჭოს 1939 წლის 26 დეკემბრის № 2495 დადგენილება „რაიონებისა და ქალაქების ჯანმრთელობის განყოფილების გამგეების დანიშვნისა, ერთი ადგილიდან მეორეზე გადაყვანისა და დათხოვნის წესის შესახებ“.

საქართველოს სსრ მინისტრთა საბჭოს
თავმჯდომარე **ბ. ჯაპახიშვილი**.

საქართველოს სსრ მინისტრთა საბჭოს
საქმეთა მმართველი **ზ. ახვლედიანი**.

ქ. თბილისი 1974 წ. 6 სექტემბერი, № 498

78 სსრ კავშირის მინისტრთა საბჭოს 1974 წლის 2 ივლისის № 538 დადგენილებასთან დაკავშირებით საქართველოს სსრ მინისტრთა საბჭოს დადგენილებათა უეცვლისა და ძალადაკარგულად ჩათვლის შესახებ

„აღმოჩენათა, გამოგონებათა და რაციონალიზატორულ წინადადებათა დებულების დამტკიცების შესახებ“ სსრ კავშირის მინისტრთა საბჭოს 1973 წლის 21 აგვისტოს № 584 დადგენილებასთან დაკავშირებით სსრ კავშირის მთავრობის გადაწყვეტილებათა შეცვლისა და ძალადაკარგულად ჩათვლის თაობაზე“ სსრ კავშირის მინისტრთა საბჭოს 1974 წლის 2 ივლისის № 538 დადგენილების შესაბამისად საქართველოს სსრ მინისტრთა საბჭო ადგენს:

1. შეიცვალოს მე-5 პუნქტი საქართველოს სსრ მინისტრთა საბჭოს 1964 წლის 29 აგვისტოს № 535 დადგენილებისა „რესპუბლიკის სოფლის მეურნეობაში გამოგონებლობისა და რაციონალიზაციის საქმის გაუმჯობესების შესახებ“ და ჩამოყალიბდეს იგი შემდეგი რედაქციით:

„5. საქართველოს სსრ ფინანსთა სამინისტრომ და საქართველოს სსრ სოფლის მეურნეობის სამინისტრომ უზრუნველყონ სოფლის მეურნეობის დარგში გამოგონებლობისა და რაციონალიზაციის ხარჯების დაფინანსება მშრომელთა დებუტატების რაიონული საბჭოების აღმასრულებელი კომიტეტების სოფლის მეურნეობის სამმართველოთა ხარჯთაღრიცხვებით, იმ წესით, რაც

გათვალისწინებულია სსრ კავშირის მინისტრთა საბჭოს 1973 წლის 21 აგვისტოს № 584 დადგენილებით დამტკიცებული დებულებით აღმოჩენათა, გამოგონებათა და რაციონალიზატორულ წინადადებათა შესახებ“.

2. ძალადაკარგულად ჩაითვალოს:

— საქართველოს სსრ მინისტრთა საბჭოს 1959 წლის 15 დეკემბრის № 956 დადგენილება „გამომგონებლობისა და რაციონალიზაციის ორგანოების შესახებ“;

— მე-3 პუნქტი საქართველოს სსრ მინისტრთა საბჭოს 1962 წლის 15 აგვისტოს № 587 დადგენილებისა „საქართველოს სს რესპუბლიკაში გამოგონებათა ხაზით სახელმწიფო ინტერესების დაცვის გაუმჯობესებისა და გამოგონებლობის ორგანიზაციის შემდგომი გაუმჯობესების შესახებ“.

3. მიღებულ იქნეს ცნობად, რომ სსრ კავშირის მინისტრთა საბჭოს 1974 წლის 2 ივლისის № 538 დადგენილებით ძალადაკარგულად ჩაითვალოს:

— მე-2 პუნქტის „ვ“ ქვეპუნქტი, მე-3, მე-12 და მე-17 პუნქტები სსრ კავშირის მინისტრთა საბჭოს 1962 წლის 14 ივნისის № 607 დადგენილებისა „სსრ კავშირში გამოგონებათა ხაზით სახელმწიფო ინტერესების დაცვის გაუმჯობესებისა და გამოგონებლობის ორგანიზაციის შემდგომი გაუმჯობესების შესახებ“, რომელიც დაგზავნილია საქართველოს სსრ მინისტრთა საბჭოს 1962 წლის 15 აგვისტოს № 587 დადგენილებით;

— მე-12 პუნქტი სსრ კავშირის მინისტრთა საბჭოს 1968 წლის 12 სექტემბრის № 729 დადგენილებისა „მარცვლეული და ზეთოვანი კულტურების მეურნეობის გაუმჯობესების ზომების შესახებ“, რომელიც დაგზავნილია საქართველოს სსრ მინისტრთა საბჭოს 1968 წლის 21 ნოემბრის № 591 დადგენილებით;

— მე-8 პუნქტი სსრ კავშირის მინისტრთა საბჭოს 1970 წლის 29 ივნისის № 490 დადგენილებისა „მეცხოველეობაში სანაშენო საქმის გაუმჯობესების ღონისძიებათა და სასოფლო-სამეურნეო ცხოველთა ზელოვნური დათესვის შემდგომი განვითარების შესახებ“, რომელიც დაგზავნილია საქართველოს სსრ მინისტრთა საბჭოს 1970 წლის 9 სექტემბრის № 501 დადგენილებით.

საქართველოს სსრ მინისტრთა საბჭოს
 თავმჯდომარე **ბ. ჯაპახიშვილი**.

საქართველოს სსრ მინისტრთა საბჭოს
 საქმეთა მმართველი **წ. ახვლედიანი**.



79 საქართველოს სსრ საბინაო-კომუნალური მეურნეობის სამინისტროს დებულების დამტკიცების შესახებ

საქართველოს სსრ მინისტრთა საბჭო ა დ გ ე ნ ს:

1. დამტკიცდეს თანდართული დებულება საქართველოს სსრ საბინაო-კომუნალური მეურნეობის სამინისტროს შესახებ.

2. ძალადაკარგულად ჩაითვალოს საქართველოს სსრ მინისტრთა საბჭოს 1962 წლის 6 დეკემბრის № 813 დადგენილებით დამტკიცებული დებულება საქართველოს სსრ კომუნალური მეურნეობის სამინისტროს შესახებ.

საქართველოს სსრ მინისტრთა საბჭოს
თავმჯდომარე **გ. ჯავახიშვილი.**

საქართველოს სსრ მინისტრთა საბჭოს
საქმეთა მმართველი **ზ. ახვლედიანი.**

ქ. თბილისი, 1974 წ. 10 სექტემბერი, № 504

დამბაკიგებულნი

 საქართველოს სსრ მინისტრთა საბჭოს
 1974 წლის 10 სექტემბრის № 504
 დადგენილებით

დ ე ბ უ ლ ე ბ ა

საქართველოს სსრ საბინაო-კომუნალური მეურნეობის სამინისტროს შესახებ

1. საქართველოს სსრ საბინაო-კომუნალური მეურნეობის სამინისტრო საქართველოს სსრ კონსტიტუციის შესაბამისად არის რესპუბლიკური სამინისტრო და თავის საქმიანობაში ემორჩილება უშუალოდ საქართველოს სსრ მინისტრთა საბჭოს.

2. საქართველოს სსრ საბინაო-კომუნალური მეურნეობის სამინისტრო და უშუალოდ მისდამი დაქვემდებარებული საწარმოები, ორგანიზაციები და დაწესებულებები, ავტონომიური რესპუბლიკების საბინაო-კომუნალური მეურნეობის სამინისტროები, საოლქო საბჭოს აღმასკომის, საქალაქო საბჭოების აღმასკომების, რაიონული საბჭოების აღმასკომების კომუნალური მეურნეობის სამმართველოები, კომუნალური მეურნეობის განყოფილებები, კომუნალურ საწარმოთა კომბინატები, საბინაო მეურნეობის სამმართველოები და საბინაო-კომუნალური მეურნეობის მართვის სხვა ორგანოები, აგრეთვე ამ სამინისტროებისა და სამმართველოებისადმი დაქვემდებარებული საწარმოები, ორგანიზაციები და დაწესებულებები შეადგენენ სამინისტროს ერთიან სისტემას.

3. საქართველოს სსრ საბინაო-კომუნალური მეურნეობის სამინისტრო ხელმძღვანელობს თავის საქვეუწყებო საქართველოს სსრ საბინაო-კომუნალური მეურნეობას ავტონომიური რესპუბლიკების საბინაო-კომუნალური მეურნეობის სამინისტროების, საოლქო საბჭოს აღმასკომისა და საქალაქო საბჭოების აღმასკომების (მათ შორის თბილისისა და ქუთაისის საქალაქო საბჭოების აღმასკომების) კომუნალური მეურნეობის სამმართველოების (განყოფილებების), კომუნალურ საწარმოთა კომბინატების, საბინაო მეურნეობის სამმართველოების და საბინაო-კომუნალური მეურნეობის მართვის სხვა ორგანოების მეშვეობით; მართავს რესპუბლიკური (საქართველოს სსრ) დაქვემდებარების საბინაო-კომუნალური მეურნეობის საწარმოებს, ორგანიზაციებსა და დაწესებულებებს.

4. საქართველოს სსრ საბინაო-კომუნალური მეურნეობის სამინისტრო თავის საქმიანობაში ხელმძღვანელობს სსრ კავშირისა და საქართველოს სსრ კანონებით, სსრ კავშირის უმაღლესი საბჭოს პრეზიდიუმისა და საქართველოს სსრ უმაღლესი საბჭოს პრეზიდიუმის ბრძანებულებებით, სსრ კავშირის მთავრობისა და საქართველოს სსრ მთავრობის დადგენილებებითა და განკარგულებებით და სხვა ნორმატიული აქტებით, აგრეთვე ამ დებულებით და უზრუნველყოფს მოქმედი კანონმდებლობის სწორად გამოყენებას სამინისტროს საქვეუწყებო საწარმოებში, ორგანიზაციებსა და დაწესებულებებში; განაზოგადებს სამინისტროს კომპეტენციისათვის განკუთვნილ საკითხებზე კანონმდებლობის გამოყენების პრაქტიკას, შეიმუშავებს წინადადებებს მისი სრულყოფი-



სათვის და წარუდგენს ამ წინადადებებს დადგენილი წესით საქართველოს მინისტრთა საბჭოს განსახილველად.

5. საქართველოს სსრ საბინაო-კომუნალური მეურნეობის სამინისტროს მთავარი ამოცანები ის არის, რომ:

— უზრუნველყოს პარტიისა და მთავრობის გადაწყვეტილებათა შესრულება საქართველოს სსრ ტერიტორიაზე საბინაო-კომუნალური მეურნეობის კომპლექსური განვითარებისა და სრულყოფის შესახებ იმ მიზნით, რომ რაც შეიძლება სრულად დაკმაყოფილდეს მოსახლეობის მოთხოვნილებანი საბინაო-კომუნალურ მომსახურებაზე;

— განახორციელოს ღონისძიებანი, რომლებიც უზრუნველყოფენ საბინაო ფონდისა და კომუნალური დანიშნულების ობიექტების საიმედო დაცვა-შენახვას, მათს ტექნიკურად სწორ და რენტაბელურ ექსპლუატაციას, საცხოვრებელი ბინების კეთილმოწყობის ღონის შემდგომ ამაღლებას, ქალაქებისა და სხვა დასახლებული პუნქტების სანიტარიული მდგომარეობის გაუმჯობესებას;

— განავითაროს მეცნიერება და ტექნიკა საბინაო-კომუნალური მეურნეობის დარგებში, დანერგოს მეცნიერულ-ტექნიკური მიღწევები და მოწინავე სამამულო და საზღვარგარეთული გამოცდილება, რაც ხელს შეუწყობს საწარმოთა და ორგანიზაციათა მუშაობის ეფექტიანობის გადიდებას, მოსახლეობის კომუნალური მომსახურების ხარისხის გაუმჯობესებასა და კულტურის ამაღლებას;

— მოაწყოს ადგილობრივ საბჭოთა და პროფკავშირულ ორგანოებთან ერთად სოციალისტური შეჯიბრება საბინაო-კომუნალურ მეურნეობაში მატერიალურ-ტექნიკური, ფინანსური და შრომითი რესურსების გამოყენების, შრომის ნაყოფიერების, საბინაო-კომუნალური მომსახურების მოცულობის, თვითღირებულებისა და ხარისხის მაღალი ტექნიკურ-ეკონომიური მაჩვენებლების მიღწევისათვის, აგრეთვე უზრუნველყოს საწარმოთა, ორგანიზაციათა, დაწესებულებათა კოლექტივებისა და მოსახლეობის ფართო მონაწილეობა ავტონომიური რესპუბლიკების, ოლქის, ქალაქებისა და რაიონების რესპუბლიკურ სოციალისტურ შეჯიბრებაში დასახლებული პუნქტების კეთილმოწყობისა და სანიტარიული მოვლა-შენახვის სამუშაოთა საუკეთესოდ განხორციელებისათვის;

— დანერგოს შრომისა და მართვის მეცნიერული ორგანიზაცია, უზრუნველყოს სამინისტროს სისტემის საწარმოები, ორგანიზაციები და დაწესებულებები კვალიფიკური კადრებით, შექმნას მუშაკთა ცოდნისა და გამოცდილების საუკეთესო გამოყენებისათვის, კომუნალური მომსახურების სფეროში კადრების შენარჩუნებისათვის საჭირო პირობები;

— გაუმჯობესოს სამინისტროს სისტემის საწარმოების, ორგანიზაციებისა და დაწესებულებების მუშაობა, სპეციალისტთა და მოსამსახურეთა საბინაო და კულტურულ-საყოფაცხოვრებო პირობები, უზრუნველყოს მათი შრომის უსაფრთხო პირობები, დანერგოს საწარმოო ტრავმატიზმის თავიდან აცილების ეფექტიანი საშუალებანი და ხერხები;

— მტკიცედ დაიცვას სახელმწიფო დისციპლინა და სოციალისტური კანონიერება საწარმოო დავალებათა და სახელშეკრულებო ვალდებულებათა შეს-

რულებისას სამინისტროს სისტემის საწარმოებში, ორგანიზაციებსა და სექტორებში, გააძლიეროს მუშაკთა პასუხისმგებლობა მინდობილი საქმისათვის.

6. საქართველოს სსრ საბინაო-კომუნალური მეურნეობის სამინისტრო მისთვის დაკისრებული ამოცანების განსახორციელებლად:

ა) შეიმუშავეს მშრომელთა დეპუტატების საქალაქო და რაიონული საბჭოების აღმასკომების მიერ წარდგენილი მასალების საფუძველზე საბინაო და კომუნალური მეურნეობის განვითარების მიმდინარე და პერსპექტიულ გეგმათა პროექტებს და წარადგენს მათ დასამტკიცებლად დადგენილი წესით, აგრეთვე მონაწილეობს ავტონომიური რესპუბლიკებისა და ოლქის, ქალაქების თბილისისა და ქუთაისის საბინაო-კომუნალური მეურნეობის განვითარების გეგმათა პროექტების განხილვაში;

ბ) შეიმუშავეს კომუნალურ მშენებლობაში ნორმატიულ-კვლევითი და ექსპერიმენტული სამუშაოების გეგმათა პროექტებს და განახორციელებს კონტროლს სამინისტროს საქვეუწყებო საწარმოთა და ორგანიზაციათა მიერ ამ გეგმების შესრულებისადმი; შეიტანს საქართველოს სსრ ფინანსთა სამინისტროში სამინისტროს წლიური საფინანსო გეგმების (შემოსავალ-გასავლის ბალანსების) პროექტებს და მათ გაანგარიშებას, დაუწესებს საბინაო-კომუნალური მეურნეობის ადგილობრივ ორგანოებს კომუნალური მეურნეობის ობიექტების ექსპლუატაციისა და სამრეწველო პროდუქციის წარმოების გეგმებს იმ მაჩვენებლების მიხედვით, რომელთა დამტკიცება სამინისტროს კომპეტენციას განეკუთვნება, აგრეთვე შრომის გეგმებს;

გ) სამინისტროსათვის მინიჭებულ უფლებათა ფარგლებში შეიმუშავეს და დაამტკიცებს უშუალოდ სამინისტროსადმი დაქვემდებარებულ საწარმოთა, ორგანიზაციათა და დაწესებულებათა ობიექტების მშენებლობისა და რეკონსტრუქციის საპროექტო-სახარჯთაღრიცხვო დოკუმენტაციას; დაამტკიცებს ან წარადგენს დადგენილი წესით დასამტკიცებლად სამინისტროს სისტემის კომუნალური დანიშნულების მშენებლობათა და სხვა ობიექტების სატიტულო სიებს; დანიშნავს თავისი კომპეტენციის ფარგლებში მშენებლობადამთავრებულ საწარმოთა და შენობა-ნაგებობათა საექსპლუატაციოდ მიმღებ სახელმწიფო კომისიებს, დაამტკიცებს მათი მიღების აქტებს; განიხილავს და წარუდგენს საქართველოს სსრ სახელმწიფო საგემო კომიტეტს დასკვნებს კომუნალური მეურნეობის ობიექტების დაპროექტებისა და მშენებლობის სატიტულო სიების პროექტების გამო; გასცემს დასკვნებს საქართველოს სსრ მინისტრთა საბჭოს მიერ დასამტკიცებელი ქალაქებისა და კურორტების გენერალურ გეგმათა პროექტების და კომუნალური დანიშნულების ობიექტების მშენებლობის ტექნიკური პროექტების გამო; დადგენილი წესით განიხილავს და გასცემს დასკვნებს საცხოვრებელი სახლებისა და კომუნალური მეურნეობის ობიექტების ტიპობრივი პროექტების გამო;

დ) უზრუნველყოფს კაბიტალურ დაბანდებათა რაც შეიძლება ეფექტიანად გამოყენებას, მშენებარე ობიექტების დროულად ამოქმედებას და მათ საწარმოო სიმძლავრეთა საპროექტო მაჩვენებლებამდე აყვანას, ტიპობრივი პროექ-



ტებისა და პროგრესული მასალების მაქსიმალურად გამოყენებას, ინდუსტრიული მეთოდებისა და მექანიზაციის დანერგვას კომუნალურ მშენებლობაში, განახორციელებს ღონისძიებებს საცხოვრებელი სახლებისა და კომუნალური დანიშნულების ობიექტების რემონტის სრულყოფისათვის, უზრუნველყოფს საბინაო-კომუნალურ და სარემონტო-სამშენებლო ორგანიზაციათა საწარმოო-ტექნიკური ბაზის განვითარებას; შეიმუშავებს და განახორციელებს ღონისძიებებს ქალაქებსა და სხვა დასახლებულ პუნქტებში მეყვავილეობის განვითარებისათვის; მოაწყოფს დეკორაციულ მცენარეთა სარგავი მასალისა და ყვავილის პროდუქციის სამრეწველო წარმოებას და კოორდინაციას გაუწევს მათ წარმოებას სამინისტროს სისტემის საწარმოებისა და ორგანიზაციების მიერ;

ე) თავისი კომპეტენციის ფარგლებში შეიმუშავებს, დაამტკიცებს ან წარადგენს დასამტკიცებლად დადგენილი წესით:

ქალაქების, მუშათა, საკურორტო და სააგარაკო დაბებისა და სასოფლო დასახლებული პუნქტების მოსახლეობის კომუნალური მომსახურებით უზრუნველყოფის ნორმებს;

სამინისტროს საწარმოთა, ორგანიზაციათა და დაწესებულებათა პროდუქციისა და მომსახურების ფასებსა და ტარიფებს;

საბინაო ფონდის, კომუნალური მეურნეობის საწარმოთა და ნაგებობათა (მიუხედავად მათი უწყებრივი კუთვნილებისა) მოვლა-შენახვის, რემონტისა და ექსპლუატაციის უზრუნველყოფის წესებს, ტექნიკურ პირობებს, ნორმატივებსა და ინსტრუქციებს;

ვ) უზრუნველყოფს საქვეუწყებო საბინაო-კომუნალური მეურნეობის საწარმოთა, ორგანიზაციათა და დაწესებულებათა მუშაობის რენტაბელობის ამაღლებისა და ეკონომიური მაჩვენებლების გაუმჯობესების, დაეგეგმვისა და ეკონომიური სტიმულირების მოწინავე მეთოდების დანერგვის ღონისძიებათა შემუშავებასა და განხორციელებას;

ზ) კონტროლს გაუწევს:

საბინაო ფონდისა და კომუნალური დანიშნულების ობიექტების ჭეროვანი მოვლა-შენახვის, მათი ტექნიკურად სწორი და რენტაბელური ექსპლუატაციის უზრუნველყოფას მოქმედი წესების, ტექნიკური პირობების, ნორმატივებისა და ინსტრუქციების შესაბამისად (მიუხედავად ამ ობიექტების უწყებრივი კუთვნილებისა), აგრეთვე კოოპერაციული საცხოვრებელი სახლებისა და მოქალაქეთა პირად საკუთრებაში არსებული საცხოვრებელი სახლების მოვლა-შენახვას;

ქალაქების, მუშათა, საკურორტო და სააგარაკო დაბებისა და სასოფლო დასახლებული პუნქტების მოსახლეობის საბინაო-კომუნალური მომსახურების მოქმედი ნორმების, საბინაო-კომუნალური მეურნეობის საწარმოთა, ორგანიზაციათა და დაწესებულებათა პროდუქციისა და მომსახურების ფასებისა და ტარიფების დაცვას;

ქალაქებში, მუშათა, საკურორტო და სააგარაკო დაბებსა და სოფლებში (რაიონულ ცენტრებში) გზა-ხიდების მეურნეობის კაპიტალური მშენებლობის, რემონტისა და ექსპლუატაციის, გამწვანებისა და მწვანე ნარგავთა შენარჩუნ-



ნების, წყალსატევების გაწყლიერების, მათი გაქუჩყიანებისა და ნაპირების ნგრევისაგან დაცვის, მეწყრის წინააღმდეგ ბრძოლის, ხრამების წარმოქმნის თავიდან აცილების, აგრეთვე ამ დასახლებული პუნქტების სანიტარიული დასუფთავების ღონისძიებათა განხორციელებას;

მშრომელთა დებუტატების ადგილობრივი საბჭოების აღმასკომებისათვის საბინაო-კომუნალური მეურნეობის დარგში გამოყოფილი სახსრებისა და მატერიალურ-ტექნიკური რესურსების დროულად და რაციონალურად გამოყენებას;

საცხოვრებელი ფართობის განაწილებასა და იმ მოქალაქეთა აღრიცხვას, რომელთაც ესაქიროებათ ბინები, საცხოვრებელი ფართობის გაცვლასა და დაჯავშნას, საბინაო-სამშენებლო კოოპერატივების შექმნას ადგილობრივი საბჭოების აღმასკომების, აგრეთვე რესპუბლიკის სამინისტროების, უწყებების, საწარმოებისა და ორგანიზაციების მიხედვით;

შრომის დაწესებული პირობებისა და ანაზღაურების დაცვის სისწორეს, შრომისა და საწარმოო დისციპლინის განმტკიცების ღონისძიებათა განხორციელებას, აგრეთვე ხელფასის ფონდის ხარჯვას სამინისტროს სისტემის საწარმოებში, ორგანიზაციებსა და დაწესებულებებში;

თ) საქართველოს სსრ სახელმწიფო საგეგმო კომიტეტთან ერთად:

მოამზადებს წინადადებებს მშრომელთა დებუტატების ადგილობრივი საბჭოების კომუნალური მეურნეობის ობიექტების მშენებლობაში წილობრივი მონაწილეობისათვის სამინისტროთა და უწყებათა სახსრების გამოყენების შესახებ;

განახორციელებს კონტროლს საქართველოს სსრ ტერიტორიაზე კომუნალური მეურნეობის ობიექტების მშენებლობისა და საექსპლუატაციოდ გადაცემის სახელმწიფო გეგმების შესრულებისადმი;

ი) საქართველოს სსრ სახმშენთან ერთად კონტროლს გაუწევს:

ქალაქების, მუშათა, საკურორტო და საავარაკო დაბების გენერალურ გეგმათა შესრულებას საბინაო-კომუნალური მეურნეობის განვითარების ნაწილში;

საცხოვრებელ ნაგებობათა აღებას სახელმწიფო და საზოგადოებრივი მიზნებისათვის მიწის ნაკვეთების მიცემასთან დაკავშირებით;

ქალაქებში, მუშათა, საკურორტო და საავარაკო დაბებსა და სოფლებში (რაიონულ ცენტრებში) თვითნებური მშენებლობის წინააღმდეგ ბრძოლის ღონისძიებათა განხორციელებას;

საქართველოს სსრ ტერიტორიაზე საექსპლუატაციოდ გადაცემული სახელმწიფო და კოოპერაციული საცხოვრებელი სახლებისა და კომუნალური მეურნეობის ობიექტების ხარისხს;

კ) განახორციელებს საქართველოს სსრ ტერიტორიაზე მდებარე დასახლებულ პუნქტებში ხელმძღვანელობას სამოქალაქო დანიშნულების შენობა-ნაგებობების (საცხოვრებელი, კომუნალური, ადმინისტრაციული, სეაქრო, კულტურულ-საყოფაცხოვრებო და სხვ.) და ვარგებიანი კეთილმოწყობის ობიექტების ტექნიკური აღრიცხვისადმი; განაზოგადებს და გააანალიზებს ტექნიკური

ქ. ნაძვარძლის ქ. სსრ



აღრიცხვის მონაცემებს; ქალაქებში, მუშათა, საკურორტო და სააგარაკო ბებში განახორციელებს, თავისი კომპეტენციის ფარგლებში, კონტროლს მიწების აღრიცხვისა და მიწათმოსარგებლეთა რეგისტრაციისადმი, მონაწილეობას მიიღებს მიწათსამეურნეო მოწყობის გეგმათა პროექტებისა და ქალაქის ფარგლების პროექტების შემუშავებაში, განიხილავს საწარმოებისათვის, ორგანიზაციებისა და დაწესებულებებისათვის, აგრეთვე მოქალაქეთა პირად სარგებლობაში მიცემული მიწის ნაკვეთების გამოყენებასთან დაკავშირებულ საკითხებს;

ლ) შეიმუშავებს და დაამტკიცებს დადგენილი წესით ორგანიზაციულ-ტექნიკურ ღონისძიებათა, სამეცნიერო-კვლევით და საცდელ-საკონსტრუქტორო სამუშაოთა გეგმებს; უზრუნველყოფს სრულყოფილი ტექნიკური პროცესების და შრომისა და მართვის ორგანიზაციის მოწინავე მეთოდების შემუშავებას, რომლებიც ხელს შეუწყობენ მოსახლეობის კომუნალური მომსახურების ტექნიკური ღონის, ხარისხისა და კულტურის ამაღლებას; უზღომძღვანელებს მუშაობას რაციონალიზაციისა და გამომგონებლობისათვის; უზრუნველყოფს საქვეუწყებო სამეცნიერო-კვლევით ორგანიზაციათა ლაბორატორიულ-საწარმოო ბაზის განვითარებასა და სრულყოფას; მოაწიებს სამეცნიერო-ტექნიკურ ინფორმაციას საბინაო-კომუნალური მეურნეობის დარგების მიხედვით, მეცნიერული, მეცნიერულ-ტექნიკური და ეკონომიური ლიტერატურის მომზადებასა და გამოცემას დადგენილი წესით;

მ) მონაწილეობას მიიღებს თბილისის მეტროპოლიტენის ტექნიკურ სამუშაოებთან განვითარებასთან და სრულყოფასთან, ახალი ტექნიკისა და მოწინავე ტექნოლოგიის დანერგვასთან და მისი მუშაობის გამოცდილების განზოგადებასთან დაკავშირებული საკითხების გადაწყვეტაში;

ნ) მოამზადებს წინადადებებს სსრ კავშირისა და საქართველოს სსრ სამინისტროთა და უწყებათა საწარმოებში საბინაო-კომუნალური მეურნეობისათვის საჭირო მოწყობილობის, აპარატურისა და მათი სათადარიგო ნაწილების წარმოების მოცულობის გამო და შეიტანს ამ წინადადებებს შესაბამისი ორგანოების განსახილველად; განსახილველად საინინსტროს სისტემის საწარმოთა, ორგანიზაციათა და დაწესებულებათა მოთხოვნილებას მასალებზე, მოწყობილობასა და სხვა მატერიალურ რესურსებზე მისთვის დადგენილი ნომენკლატურის მიხედვით, გაანაწილებს მათ დადგენილი წესით; უზრუნველყოფს სამინისტროს საწარმოთა მიერ გამოშვებული პროდუქციის გასაღებას;

ო) განახორციელებს სამინისტროს სისტემის ორგანოსაწივთ საწარმოთა და ორგანიზაციათა ძალებით სამუშაოებს კომუნალურ საწარმოთა უსაფრთხო ექსპლუატაციისადმი ტექნიკური ზედამხედველობისათვის, ახალი ტექნიკისა და მოწინავე ტექნოლოგიის დანერგვისათვის, საბინაო-კომუნალური მეურნეობის მოწყობილობისა და ნაგებობათა გაწყობისა და საქსპლუატაციოდ გადაცემისათვის და მათი საწარმოო სიმძლავრეების საპროექტო მაჩვენებლებამდე აყვანისათვის;

პ) დააფინანსებს დადგენილი წესით უშუალოდ სამინისტროსადმი დაქვემდებარებულ საწარმოებს, ორგანიზაციებსა და დაწესებულებებს, უზღომძღვა-

ნელებს მათს ფინანსურ საქმიანობას, განახორციელებს ღონისძიებებს სამეურნეო ანგარიშის განმტკიცებისათვის, ძირითადი ფონდების, საბრუნავი სახსრების, საბიუჯეტო და საბანკო კრედიტების ეფექტიანი გამოყენებისათვის;

ე) შექმნის დადგენილი წესით ცენტრალიზებულ ფონდებს, აგრეთვე რეზერვს უშუალოდ სამინისტროსადმი დაქვემდებარებული საწარმოების, ორგანიზაციებისა და დაწესებულებებისათვის ფინანსური დახმარების გასაწევად. გახსნის ბანკებში საანგარიშსწორებო ანგარიშებს მთავარ სამმართველოებსა, აგრეთვე უშუალოდ სამინისტროსადმი დაქვემდებარებულ საწარმოებსა, ორგანიზაციებსა და დაწესებულებებს შორის საკუთარი საბრუნავი სახსრების გადასანაწილებლად და სხვა ოპერაციებისათვის;

რ) შეიმუშავებს ღონისძიებებს საბინაო და კომუნალური მეურნეობის მართვის ორგანიზაციული სტრუქტურის გასაუმჯობესებლად და აპარატის გასაიფხვრად; დაამტკიცებს დადგენილი წესით სამინისტროს სისტემის საწარმო-ორგანიზაციათა ტიპობრივ სტრუქტურასა და ტიპობრივ შტატებს, აგრეთვე უშუალოდ სამინისტროსადმი დაქვემდებარებულ დაწესებულებათა ადმინისტრაციულ-სამმართველო პერსონალის სტრუქტურასა და შტატებს და მომსახურე (საწარმოო) პერსონალის საშტატო ნორმატივებს;

ს) განიხილავს და დაამტკიცებს უშუალოდ სამინისტროსადმი დაქვემდებარებულ საწარმოთა, ორგანიზაციათა და დაწესებულებათა ანგარიშებსა და ბალანსებს; განახორციელებს ხელმძღვანელობას საბუღალტრო და სტატისტიკური აღრიცხვისა და ანგარიშგებისადმი მშრომელთა დეპუტატების ადგილობრივი საბჭოების აღმასკომების საბინაო-კომუნალური მეურნეობის საწარმოებში, ორგანიზაციებსა და დაწესებულებებში; შეადგენს სამინისტროს სისტემის საწარმოების, ორგანიზაციებისა და დაწესებულებების მიხედვით კრებისით სტატისტიკურ და ფინანსურ ანგარიშებსა და ბალანსებს; მოაწყოებს მუშაობას პირველადი აღრიცხვის შემდგომი გამარტივებისა და სრულყოფისათვის საანგარიშო ტექნიკის უახლეს საშუალებათა ფართოდ დანერგვით; ჩატარებს რესპუბლიკური დაქვემდებარების საბინაო-კომუნალური მეურნეობის საწარმოთა და ორგანიზაციათა საფინანსო-სამეურნეო საქმიანობის რევიზიებს; უზრუნველყოფს სოციალისტური სახელმწიფო საკუთრების დაცვას სამინისტროს სისტემის საწარმოებში, ორგანიზაციებსა და დაწესებულებებში და მზრუნველობით დამოკიდებულებას მისდამი;

ტ) შექმნის არბიტრაჟს სამინისტროს სისტემის საწარმოთა, ორგანიზაციათა და დაწესებულებათა შორის წამოჭრილი სამეურნეო დავის განსაზღვრელად;

უ) განახორციელებს სამინისტროს ნომენკლატურის კადრების შესწავლას, შერჩევას, აღზრდას, მომზადებასა და განაწილებას; მოაწყოებს კადრებთან მუშაობას უშუალოდ სამინისტროსადმი დაქვემდებარებულ საწარმოებსა და ორგანიზაციებში; კონტროლს გაუწევს ამ მუშაობის მდგომარეობას მშრომელთა დეპუტატების ადგილობრივი საბჭოების აღმასკომების საბინაო-კომუნალური მეურნეობის საწარმოებში, ორგანიზაციებსა და დაწესებულებებში; განსაზღვრავს მიმდინარე და პერსპექტიულ მოთხოვნილებას სამინისტროს სისტემის სა-

ბინაო-კომუნალური მეურნეობისათვის საჭირო უმაღლესი და საშუალო ციალური განათლების მქონე სპეციალისტებზე და გაანაწილებს დადგენილ წესით ახალგაზრდა სპეციალისტებს; მოაწყობს ხელმძღვანელი კადრების, მუშების, ინჟინრების, ტექნიკოსებისა და მოსამსახურეების კვალიფიკაციის ამაღლებას; კოორდინაციას გაუწევს მუშაობას სამინისტროს სისტემაში მშრომელთა ეკონომიური განათლების გაუმჯობესებისათვის;

ფ) განახორციელებს სამინისტროს სისტემის საწარმოებში, ორგანიზაციებსა და დაწესებულებებში შრომის დაცვისა და უსაფრთხოების ტექნიკის, საწარმოო სანიტარიისა და სახანძრო უსაფრთხოების წესების დაცვის ღონისძიებებს; შეიმუშაუებს და წარადგენს დადგენილ წესით დასამტკიცებლად წინადადებებს საბინაო-კომუნალური მეურნეობის მუშაკთა შრომის ანაზღაურების შესახებ; განახორციელებს შრომის მეცნიერული ორგანიზაციისა და ნორმირების ღონისძიებებს;

ქ) უზრუნველყოფს ადგილობრივი მრეწველობისა და კომუნალურ-საყოფაცხოვრებო საწარმოების მუშათა პროფკავშირის რესპუბლიკურ კომიტეტთან და ადგილობრივ საბჭოთა და პროფკავშირულ ორგანოებთან ერთად საწარმოთა, ორგანიზაციათა, დაწესებულებათა კოლექტივებისა და მოსახლეობის ფართო მონაწილეობას ავტონომიური რესპუბლიკების, ოლქის, ქალაქებისა და რაიონების რესპუბლიკურ სოციალისტურ შეჯიბრებაში დასახლებული პუნქტების კეთილმოწყობისა და სანიტარიული მოვლა-შენახვის სამუშაოთა საუკეთესოდ განხორციელებისათვის; მოაწყობს ადგილობრივი მრეწველობისა და კომუნალურ-საყოფაცხოვრებო საწარმოების მუშათა პროფკავშირის რესპუბლიკურ კომიტეტთან და ადგილობრივ საბჭოთა და პროფკავშირულ ორგანოებთან ერთად სოციალისტურ შეჯიბრებას საბინაო-კომუნალურ მეურნეობაში. დაამტკიცებს დადგენილ წესით სოციალისტური შეჯიბრების პირობებს, განახორციელებს ღონისძიებებს შეჯიბრების მასობრიობისა და საჯაროობის უზრუნველსაყოფად, შეაჯამებს შედეგებს და მიაკუთვნებს გარდამავალ წითელ დროშებსა და ფულად პრემიებს; პოპულარიზაციას გაუწევს და გაავრცელებს იმ მეურნეობებისა და კოლექტივების მოწინავე გამოცდილებას, რომლებმაც საუკეთესო მაჩვენებლები მიიპოვეს შეჯიბრებაში, და მოაწყობს პროფესიული ოსტატობის კონკურსებს;

ღ) დროულად და ყურადღებით განიხილავს მშრომელთა წერილებს (განცხადებებსა და საჩივრებს), უზრუნველყოფს მათში აღძრული საკითხების სწორად გადაწყვეტას, აგრეთვე მიიღებს ზომებს მშრომელთა წერილებში (განცხადებებსა და საჩივრებში) აღნიშნული ნაკლოვანებების აღმოსაფხვრელად სამინისტროს საქვეუწყებო საწარმოთა, ორგანიზაციათა და დაწესებულებათა საქმიანობაში.

7. საქართველოს სსრ საბინაო-კომუნალური მეურნეობის სამინისტროს სათავეში უდგას მინისტრი, რომელსაც საქართველოს სსრ კონსტიტუციის შესაბამისად ნიშნავს საქართველოს სსრ უმაღლესი საბჭო. ზოლო სესხიათა შორის პერიოდში — საქართველოს სსრ უმაღლესი საბჭოს პრეზიდიუმში. რაც შემდგომ შეაქვს საქართველოს სსრ უმაღლესი საბჭოს დასამტკიცებლად.

საქართველოს სსრ საბინაო-კომუნალური მეურნეობის მინისტრს მოადგილეები, რომლებსაც ნიშნავს საქართველოს სსრ მინისტრთა საბჭო. მინისტრის მოადგილეთა შორის მოვალეობებს ანაწილებს საქართველოს სსრ საბინაო-კომუნალური მეურნეობის მინისტრი.

8. საქართველოს სსრ საბინაო-კომუნალური მეურნეობის მინისტრი პერსონალურად პასუხისმგებელია სამინისტროსათვის დაკისრებულ ამოცანათა და მოვალეობათა შესრულებისათვის; აწესებს მინისტრის მოადგილეთა, მთავარი სამმართველოების, სამმართველოების უფროსთა და სამინისტროს სხვა ქვედანაყოფების ხელმძღვანელთა პასუხისმგებლობას სამინისტროს საქმიანობის ცალკეული დარგებისადმი ხელმძღვანელობისათვის და სამინისტროს სისტემის საწარმოთა, ორგანიზაციათა და დაწესებულებათა მუშაობისათვის.

9. საქართველოს სსრ საბინაო-კომუნალური მეურნეობის მინისტრი:

ა) საქართველოს სსრ კონსტიტუციის 52-ე მუხლის შესაბამისად ხელმძღვანელობს სამინისტროსა და მის საქვეუწყებო საწარმოთა, ორგანიზაციათა და დაწესებულებათა საქმიანობას;

ბ) წარადგენს დადგენილი წესით საქართველოს სსრ მინისტრთა საბჭოს განსახილველად საკანონმდებლო აქტების, მთავრობის დადგენილებათა და განკარგულებათა პროექტებს საბინაო-კომუნალური მეურნეობის საკითხებზე;

გ) საქართველოს სსრ კონსტიტუციის 53-ე მუხლის შესაბამისად გამოსცემს სამინისტროს კომპეტენციის ფარგლებში ბრძანებებსა და ინსტრუქციებს სსრ კავშირისა და საქართველოს სსრ კანონების, სსრ კავშირის უმაღლესი საბჭოს პრეზიდიუმისა და საქართველოს სსრ უმაღლესი საბჭოს პრეზიდიუმის ბრძანებულებების, სსრ კავშირის მინისტრთა საბჭოსა და საქართველოს სსრ მინისტრთა საბჭოს დადგენილებებისა და განკარგულებების საფუძველზე და შესასრულებლად და ამოწმებს მათ შესრულებას.

საქართველოს სსრ საბინაო-კომუნალური მეურნეობის სამინისტროს ბრძანებები და ინსტრუქციები კომუნალური მეურნეობის ობიექტებისა და საცხოვრებელი სახლების მოვლა-შენახვის, გამოყენებისა და ექსპლუატაციის საკითხებზე, რომლებიც სამინისტროს კომპეტენციას განეკუთვნება, სავალდებულოა ყველა საწარმოსათვის, ორგანიზაციისა და დაწესებულებისათვის, მიუხედავად მათი უწყებრივი კუთვნილებისა, აგრეთვე საქართველოს სსრ ტერიტორიაზე მცხოვრები მოსახლეობისათვის.

საქართველოს სსრ საბინაო-კომუნალური მეურნეობის მინისტრი საქირო შემთხვევებში საქართველოს სსრ სხვა სამინისტროთა და უწყებათა ხელმძღვანელებთან ერთად გამოსცემს ერთობლივ ბრძანებებსა და ინსტრუქციებს;

დ) შეაჩერებს ავტონომიური რესპუბლიკების საბინაო-კომუნალური მეურნეობის მინისტრების ბრძანებათა და ინსტრუქციათა მოქმედებას და გააუქმებს საოლქო საბჭოს აღმასკომისა და საქალაქო საბჭოების აღმასკომების (მათ შორის თბილისისა და ქუთაისის საქალაქო საბჭოების აღმასკომების) კომუნალური მეურნეობის სამმართველოთა, საბინაო მეურნეობის სამმართველოთა და საბინაო-კომუნალური მეურნეობის მართვის სხვა ორგანოთა უფროსების მიერ გამოცემულ ბრძანებებსა და ინსტრუქციებს, აგრეთვე სამინისტროსადმი

უშუალოდ დაქვემდებარებულ საწარმოთა, ორგანიზაციათა და დაწესებულებათა ხელმძღვანელების ბრძანებებსა და ინსტრუქციებს, რომლებიც ეწინააღმდეგებიან სსრ კავშირისა და საქართველოს სსრ კანონებს, სსრ კავშირის უმაღლესი საბჭოს პრეზიდიუმისა და საქართველოს სსრ უმაღლესი საბჭოს პრეზიდიუმის ბრძანებულებებს, სსრ კავშირის მინისტრთა საბჭოსა და საქართველოს სსრ მინისტრთა საბჭოს დადგენილებებსა და განკარგულებებს, სხვა ნორმატიულ აქტებს, საქართველოს სსრ საბინაო-კომუნალური მეურნეობის სამინისტროს ბრძანებებსა და ინსტრუქციებს.

წინადადებანი ავტონომიური რესპუბლიკების საბინაო-კომუნალური მეურნეობის მინისტრების ბრძანებათა და ინსტრუქციათა გაუქმების შესახებ მინისტრს შეაქვს შესაბამისი ავტონომიური რესპუბლიკის მინისტრთა საბჭოს განსახილველად:

ე) შეიტანს ცალკეულ ცვლილებებს სამინისტროს ცენტრალური აპარატის სტრუქტურაში და დაამტკიცებს მის საშტატო განრიგს სამინისტროს ცენტრალური აპარატისათვის დაწესებული მუშაკთა რიცხოვნობისა და ხელფასის ფონდის ფარგლებში; მინიჭებს სამეურნეო ანგარიშის უფლებებს სამინისტროს მთავარ სამმართველოებს, სამმართველოებსა და განყოფილებებს;

ვ) დაამტკიცებს სამინისტროს მთავარ სამმართველოთა, სამმართველოთა და განყოფილებათა დებულებებს, აგრეთვე დადგენილი წესით — სამინისტროსადმი დაქვემდებარებულ საწარმოთა, ორგანიზაციათა და დაწესებულებათა წესდებებს (დებულებებს);

ზ) შექმნის, გარდაქმნის და გააუქმებს დადგენილი წესით სამინისტროს საწარმოებს, ორგანიზაციებსა და დაწესებულებებს;

თ) დანიშნავს თანამდებობაზე და გაათავისუფლებს თანამდებობიდან საბინისტროს ცენტრალური აპარატის მუშაკებს და სამინისტროსადმი დაქვემდებარებულ საწარმოთა, ორგანიზაციათა და დაწესებულებათა მუშაკებს დადგენილი ნომენკლატურის შესაბამისად;

ი) დააჯილდოებს ადგილობრივი მრეწველობისა და კომუნალურ-საყოფაცხოვრებო საწარმოების მუშათა პროფკავშირის რესპუბლიკურ კომიტეტთან ერთად სამინისტროს საწარმოთა, ორგანიზაციათა და დაწესებულებათა საუკეთესო მუშაკებს საპატიო სიგელებითა და სამკერდე ნიშნებით;

კ) მოიწვევს დადგენილი წესით საბინაო-კომუნალური მეურნეობის მუშაკთა აქტივის თათბირებს, რომლებზეც ვანიხილავენ სამინისტროსა და მის საჭეუფეუბო საწარმოთა, ორგანიზაციათა და დაწესებულებათა საქმიანობის საკითხებს;

ლ) შექმნის სამინისტროში ტექნიკურ, სამეცნიერო-მეთოდოლოგიურ, საექსპერტო და სხვა საბჭოებს, ამტკიცებს მათ დებულებებს და შემადგენლობებს;

მ) დაავალებს სამინისტროს კომპეტენციისათვის განკუთვნილი ცალკეული საკითხების გადაწყვეტას სამინისტროს მთავარ სამმართველოებს, სამმართველოებსა და განყოფილებებს.

10. საქართველოს სსრ საბინაო-კომუნალური მეურნეობის სამინისტროში აქმნება კოლეგია შემდეგი შემადგენლობით: მინისტრი (კოლეგიის თავმჯდომარე);

მარე) და მინისტრის მოადგილეები თანამდებობის მიხედვით, აგრეთვე მინისტროს სხვა ხელმძღვანელი მუშაკები.

სამინისტროს კოლეგიის წევრებს ამტკიცებს საქართველოს სსრ მინისტრთა საბჭო.

კოლეგია თავის რეგულარულად მოწვეულ სხდომებზე განიხილავს საბინაო-კომუნალური მეურნეობის, მისი საწარმოო-ტექნიკური ბაზის განვითარების ძირითად საკითხებს და სამინისტროს საქმიანობის სხვა საკითხებს; განიხილავს საწარმოებისადმი, ორგანიზაციებისა და დაწესებულებებისადმი პრაქტიკული ხელმძღვანელობის, შესრულების შემოწმების, კადრების შერჩევისა და გამოყენების საკითხებს, უმნიშვნელოვანეს ბრძანებათა და ინსტრუქციათა პროექტებს; მოისმენს სამინისტროს მთავარი სამმართველოების, სამმართველოებისა და განყოფილებების უფროსთა, აგრეთვე საქვეუწყებო საწარმოების, ორგანიზაციებისა და დაწესებულებების ხელმძღვანელთა მოხსენებებს.

კოლეგიის გადაწყვეტილებანი ხორციელდება, როგორც წესი, მინისტრის ბრძანებებით. მინისტრსა და კოლეგიას შორის უთანხმოების შემთხვევაში მინისტრი ახორციელებს თავის გადაწყვეტილებას, ამასთან წამოჭრილ უთანხმოებათა შესახებ მოახსენებს საქართველოს სსრ მინისტრთა საბჭოს, ხოლო კოლეგიის წევრებს, თავის მხრივ, შეუძლიათ აცნობონ თავიანთი აზრი საქართველოს სსრ მინისტრთა საბჭოს.

11. საქართველოს სსრ საბინაო-კომუნალური მეურნეობის სამინისტროს ცენტრალური აპარატის სტრუქტურასა და მუშაკთა რიცხოვნობას ამტკიცებს საქართველოს სსრ მინისტრთა საბჭო.

12. საქართველოს სსრ საბინაო-კომუნალური მეურნეობის სამინისტროს აქვს ბეჭედი, რომელზეც გამოსახულია საქართველოს სსრ სახელმწიფო გერბი და აღნიშნულია მისი სახელწოდება.



80 სახელმწიფო ან საზოგადოებრივი საქირთებისათვის მიწების გამოყოფისას მიწათმოსარგებლეთათვის ზარალისა და სასოფლო-სამეურნეო ღირებულების დაზარალების ანაზღაურების ანაზღაურების შესახებ

საქართველოს სსრ მინისტრთა საბჭო ა დ გ ე ნ ს:

1. სსრ კავშირის მინისტრთა საბჭოს 1974 წლის 9 აგვისტოს № 636 დადგენილება „სახელმწიფო ან საზოგადოებრივი საქირთებისათვის მიწების გამოყოფისას მიწათმოსარგებლეთათვის ზარალისა და სასოფლო-სამეურნეო წარმოების დაზარალების ანაზღაურების შესახებ“ დეკლარაციით სახელმძღვანელოდ რესპუბლიკის სამინისტროებსა და უწყებებს, აფხაზეთის ასსრ და აჭარის ასსრ მინისტრთა საბჭოებს, სამხრეთ ოსეთის ავტონომიური ოლქის, რაიონებისა და ქალაქების მშრომელთა დეპუტატების საბჭოების აღმასკომებს და დაევალოთ მათ გააცნონ იგი საქვეუწყებო საწარმოებსა და ორგანიზაციებს, კოლმეურნეობებს, საბჭოთა მეურნეობებსა და სხვა მიწათმოსარგებლებს.

2. დაევალოთ სამინისტროებსა და უწყებებს, აფხაზეთის ასსრ და აჭარის ასსრ მინისტრთა საბჭოებს, სამხრეთ ოსეთის ავტონომიური ოლქის, რაიონებისა და ქალაქების მშრომელთა დეპუტატების საბჭოების აღმასკომებს მიიღონ ზომები მიწების გამოყენებისა და სასოფლო-სამეურნეო სავარგულების დაცვის შემდგომი გაუმჯობესებისათვის, გამოყონ სახელმწიფო ან საზოგადოებრივი საქირთებისათვის არასასოფლო-სამეურნეო დანიშნულების მიწები ანდა ცუდი ხარისხის სასოფლო-სამეურნეო სავარგულები, აგრეთვე გააძლიერონ კონტროლი კოლმეურნეობების, საბჭოთა მეურნეობებისა და სხვა მიწათმოსარგებლეთა მიერ მიწების გამოყენებისადმი.

3. დაევალოთ საქართველოს სსრ სახელმწიფო საგეგმო კომიტეტს, საქართველოს სსრ სოფლის მეურნეობის სამინისტროსა და საქართველოს სსრ ფინანსთა სამინისტროს:

ა) შეიმუშაონ არასასოფლო-სამეურნეო საქირთებისათვის გამოყოფილი მიწების ნაცვლად ახალი მიწების ათვისების ღირებულების ნორმატივები და 1974 წლის 15 ნოემბრამდე წარმოუდგინონ ისინი საქართველოს სსრ მინისტრთა საბჭოს სსრ კავშირის სახელმწიფო საგეგმო კომიტეტთან, სსრ კავშირის სოფლის მეურნეობის სამინისტროსთან და სსრ კავშირის ფინანსთა სამინისტროსთან შესათანხმებლად;

ბ) მოამზადონ და იმავე ვადაში წარმოუდგინონ საქართველოს სსრ მინისტრთა საბჭოს სასოფლო-სამეურნეო წარმოების დაზარალების ანაზღაურებლად საწარმოებისა და ორგანიზაციების მიერ საქართველოს სსრ სოფლის მეურნეობის სამინისტროს სპეციალურ ანგარიშზე გადასარიცხი სახსრების გამოყენების წესი.

4. დაევალოთ საქართველოს სსრ სოფლის მეურნეობის სამინისტროსა და საქართველოს სსრ ფინანსთა სამინისტროს 1974 წლის 1 ნოემბრამდე წარმოადგინონ ავტონომიურ რესპუბლიკებში, ავტონომიურ ოლქში, რაიონებსა და ქალაქებში მიწათმოყვობის სამსახურის განმტკიცების ღონისძიებათა გეგმა.

5. დაევალოთ საქართველოს სსრ სოფლის მეურნეობის სამინისტროს (მოწვევა), საქართველოს სსრ საბჭოთა მეურნეობების სამინისტროს, საქართვე-

ლოს სსრ იუსტიციის სამინისტროს, საქართველოს სსრ მელიორაციისა და წყალთა მეურნეობის სამინისტროს, საქართველოს სსრ მინისტრთა საბჭოს სატყეო მეურნეობის სახელმწიფო კომიტეტსა და საქართველოს სსრ მინისტრთა საბჭოს რესპუბლიკურ გაერთიანებას „საქსოფლტექნიკას“ შეუსაბამონ ამ დადგენილებას საქართველოს სსრ სოფლის მეურნეობის სამინისტროს მიერ მომზადებული პროექტი დებულებისა სახელმწიფო და საზოგადოებრივი საქიროებისათვის მიწის ნაკვეთების გამოყოფის წესის შესახებ, შეუთანხმონ იგი საქართველოს სსრ სახელმწიფო საგეგმო კომიტეტს, საქართველოს სსრ სახმშენსა და საქართველოს სსრ ფინანსთა სამინისტროს და წარმოუდგინონ საქართველოს სსრ მინისტრთა საბჭოს არა უგვიანეს 1974 წლის 15 ნოემბრისა.

საქართველოს სსრ მინისტრთა საბჭოს
 თავმჯდომარე **პ. ჯაპახიშვილი**.

საქართველოს სსრ მინისტრთა საბჭოს
 საქმეთა მმართველი **ზ. ახვლედიანი**.

ქ. თბილისი, 1974 წ. 19 სექტემბერი, № 516

სსრ კავშირის მინისტრთა საბჭო დადგენილება № 636

1974 წლის 9 აგვისტო

მოსკოვი, კრემლი

სახელმწიფო ან საზოგადოებრივი საქიროებისათვის მიწების გამოყოფისას მიწათმოსარგებლეთათვის ზარალისა და სასოფლო-სამეურნეო წარმოების დაზარალების ანაზღაურების შესახებ

სსრ კავშირის მინისტრთა საბჭო ადგენს:

1. დაევალოთ მოკავშირე რესპუბლიკების მინისტრთა საბჭოებსა და სსრ კავშირის სოფლის მეურნეობის სამინისტროს მიიღონ ზომები მიწების გამოყენებისა და სასოფლო-სამეურნეო სავარგულების დაცვის შემდგომი გაუმჯობესებისათვის, გამოყონ სახელმწიფო ან საზოგადოებრივი საქიროებისათვის არასასოფლო-სამეურნეო დანიშნულების ან სოფლის მეურნეობისათვის გამოუსადეგარი მიწები, ანდა ცუდი ხარისხის სასოფლო-სამეურნეო სავარგულები, აგრეთვე გააძლიერონ კონტროლი კოლმეურნეობების, საბჭოთა მეურნეობებისა და სხვა მიწათმოსარგებლეთა მიერ მიწების გამოყენებისადმი.

2. სსრ კავშირისა და მოკავშირე რესპუბლიკების მიწის კანონმდებლობის საფუძვლების მე-18 მუხლის შესაბამისად სახელმწიფო ან საზოგადოებრივი საქიროებისათვის მიწის ნაკვეთების გამოყოფის ან მათი დროებით დაკავების შედეგად მიწათმოსარგებლეთათვის მიყენებული ზარალი უნდა აანაზღაუროს იმ საწარმოებმა, ორგანიზაციებმა და დაწესებულებებმა, რომლებსაც გამოეყოფათ მიწის ნაკვეთები.

უნდა ანაზღაურდეს: საცხოვრებელი სახლების, კულტურულ-საყოფაცხოვრებო დანიშნულების ობიექტების, საწარმოო და სხვა შენობა-ნაგებობათა ღირებულების დაზარალების შემთხვევაში.

რებულება ან ახალ ადგილზე მათი გადატანის ხარჯები; ხილ-კენკროვანი ნარგავების დაცვა და მეურნეობის მიერ გაშენებული სხვა მრავალწლოვანი ნარგავების ღირებულება; დაუშთავრებელი წარმოების (ხვნის, სასუქების შეტანის, თესვისა და სხვა სამუშაოებისა) ღირებულება; სასოფლო-სამეურნეო კულტურების მოსავლის ღირებულება, აგრეთვე მიწათმოსარგებლეთა სხვა ზარალი, რაც დაკავშირებულია მიწის ნაკვეთების გამოყოფასთან ან მათ დროებით დაკავებასთან.

3. კოლმეურნეობების, საბჭოთა მეურნეობებისა და სხვა სახელმწიფო, კოპერაციული და საზოგადოებრივი საწარმოების, ორგანიზაციებისა და დაწესებულებების ზარალი, რაც გამოწვეულია მიწის ნაკვეთების გამოყოფის ან მათი დროებით დაკავების შედეგად, განისაზღვრება შემდეგნაირად:

ა) გამოყოფილ ან დროებით დაკავებულ მიწის ნაკვეთზე განლაგებული საცხოვრებელი სახლების, კულტურულ-საყოფაცხოვრებო დანიშნულების ობიექტების, საწარმოო და სხვა შენობა-ნაგებობების, აგრეთვე გამოყოფილი მიწის ნაკვეთის ფარგლებს გარეთ არსებული შენობა-ნაგებობებისა და სხვა ობიექტების შეფასება, თუ მათი შემდგომი გამოყენება დანიშნულებისამებრ შეუძლებელი აღმოჩნდება, ხდება ობიექტის საბალანსო ღირებულების მიხედვით, ცვეთის გათვალისწინებით.

საწარმოები, ორგანიზაციები და დაწესებულებები, რომლებსაც სახელმწიფო ან საზოგადოებრივი საჭიროებისათვის ეძლევათ ნაკვეთები კოლმეურნეობების, საბჭოთა მეურნეობებისა და სხვა საწარმოების, ორგანიზაციებისა და დაწესებულებების მიწებიდან, დაინტერესებულ მხარეთა შორის შეთანხმებით მიზანშეწონილობის შემთხვევაში ნაცვლად იმისა, რომ აანაზღაურონ აღნიშნულ ნაკვეთებზე განლაგებული შენობების, ნაგებობებისა და სხვა ობიექტების ღირებულება, თავიანთი ძალებითა და სახსრებით (აგრეთვე მიზიდულ ორგანიზაციათა ძალებით) გადაიტანენ მათ ახალ ადგილზე ანდა ააშენებენ შესაბამის ახალ შენობებს, ნაგებობებსა და სხვა ობიექტებს.

ამასთან ასაშენებელი ობიექტების სახარჯთაღრიცხვო ღირებულებასა და დასანგრევი ობიექტების საბალანსო ღირებულებას (ცვეთის გათვალისწინებით) შორის არსებულ სხვაობას ანაზღაურებს მიწათმოსარგებლე, რომლისთვისაც შენდება ობიექტი;

ბ) მსხმოიარე ხილ-კენკროვანი, დამცავი და მეურნეობის მიერ გაშენებული სხვა მრავალწლოვანი ნარგავების შეფასება ხდება მათი საბალანსო ღირებულების მიხედვით, ხოლო არამსხმოიარე ხილ-კენკროვანი ნარგავებისა — ნიჟარის მოსამზადებლად, ნარგავების დასარგავად, მოსავლელად და სხვა სამუშაოებისათვის გაწეული დანახარჯების ოდენობის მიხედვით;

გ) დაუშთავრებელი წარმოების (ხვნა, სასუქების შეტანა, თესვა და სხვა სამუშაოები) ღირებულება განისაზღვრება შესრულებული სამუშაოებისათვის ფაქტიურად გაწეული დანახარჯების მიხედვით;

დ) სასოფლო-სამეურნეო კულტურების მოსავლის ღირებულება (თუ მიწის ნაკვეთზე განხორციელებულია შესაბამისი სასოფლო-სამეურნეო კულტურის მოვლა-მოყვანის აგროტექნიკურ ღონისძიებათა ძირითადი კომპლექსი) განისაზღვრება უკანასკნელი ხუთი წლის მანძილზე ამ კულტურის საშუალო მოსავლიანობის და მოცემულ ზონაში მოქმედი შესასყიდი ფასების მიხედვით;

ე) წყლის წყაროებით (ქებით, გუბურებით, წყალსატევებით, ქაბურღელებით და ა. შ.) სარგებლობის შეწყვეტის შედეგად გამოწვეული ზარალი განისაზღვრება მათი მშენებლობისათვის ფაქტიურად გაწეული დანახარჯების ან თანახარი დებიტის ახალი წყლის წყაროების მშენებლობისათვის შესრულებულ სამუშაოთა ღირებულების მიხედვით.

მიწის ნაკვეთების გამოყოფის ან დროებით დაკავების დროს, რის შედეგადაც ნაწილობრივ ან მთლიანად დაირღვა სარწყავი, საშრობი, ეროზიასაწინააღმდეგო და ღვარცოფსაწინააღმდეგო ნაგებობების (სისტემების) მუშაობა, ზარალი განისაზღვრება ახალი ნაგებობების (სისტემების) მშენებლობისათვის ან არსებულის რეკონსტრუქციისათვის შესრულებულ სამუშაოთა სახარჯთაღრიცხვო ღირებულების მიხედვით, მოქმედი ნორმებისა და ფასდების შესაბამისად, საპროექტო-საძიებო სამუშაოთა ღირებულების ჩათვლით.

მიწათმოსარგებლეთა სხვა ზარალი, რაც დაკავშირებულია მიწის ნაკვეთის გამოყოფასთან ან დროებით დაკავებასთან, განისაზღვრება ფაქტიურად გაწეული დანახარჯების მიხედვით.

4. მოქალაქეთა ზარალი, რაც დაკავშირებულია ქალაქებში, ქალაქის ტიპის დაბებში, სხვა დასახლებულ პუნქტებში და ხუტორებში მათი სარგებლობისათვის გადაცემული მიწის ნაკვეთების გამოყოფასთან ან დროებით დაკავებასთან, ნაზღაურდება სსრ კავშირის მინისტრთა საბჭოს 1961 წლის 15 დეკემბრის № 1131 და 1966 წლის 16 აგვისტოს № 651 დადგენილებებით განსაზღვრული წესით.

კოლექტიური ბაღებისა და ბოსტნებისათვის გამოყოფილი მიწის ნაკვეთების, სასამსახურო მიწის ნაკვეთების, აგრეთვე მოქალაქეთათვის მიცემული საყანე მიწის ნაკვეთების გამოყოფის ან დროებით დაკავებისას ნაზღაურდება:

გამოუყენებელი დანახარჯების (ხვნის, სასუქების შეტანის, თესვისა და სხვა სამუშაოების) ღირებულება, რაც განისაზღვრება მოცემულ ადგილზე განლაგებულ სახელმწიფო სასოფლო-სამეურნეო საწარმოებში ანალოგიური სამუშაოებისათვის მოქმედი ფასდებისა და თესლის, მინერალური სასუქებისა და სხვა მასალების საცალო ფასების მიხედვით;

ხილ-კენკროვანი ნარგავების ღირებულება, რაც განისაზღვრება მოკავშირე რესპუბლიკების მინისტრთა საბჭოების მიერ დადგენილი წესით დამტკიცებული ნორმატივების მიხედვით;

მოქალაქეთა კუთვნილი ნაგებობებისა და მოწყობილობების ღირებულება სსრ კავშირის მინისტრთა საბჭოს 1966 წლის 16 აგვისტოს № 651 დადგენილების მე-6 პუნქტის შესაბამისად განსაზღვრული ოდენობით.

5. სასოფლო-სამეურნეო სავარგულების დაცვა-შენარჩუნების, აგრეთვე სასოფლო-სამეურნეო წარმოების სათანადო დონის უზრუნველყოფის მიზნით და სსრ კავშირისა და მოკავშირე რესპუბლიკების მიწის კანონმდებლობის საფუძვლების მე-19 მუხლის შესაბამისად დაწესდეს, რომ საწარმოები, ორგანიზაციები და დაწესებულებები, რომლებსაც მშენებლობისა და სხვა არასასოფლო-სამეურნეო საქმიანობისათვის გამოეყოფათ სასოფლო-სამეურნეო სავარგულებით დაკავებული მიწის ნაკვეთები, ანაზღაურებენ (მიწათმოსარგებლეთა-



თვის ზარალის ანაზღაურების გარდა) ამ ნაკვეთების გამოყოფასთან რეზულტულ სასოფლო-სამეურნეო წარმოების დანაკარგებს ახალი მიწების თანაბარი ფართობის ათვისების ღირებულების ოდენობით იმის გათვალისწინებით, რომ ახლად ასათვისებელ მიწებზე განხორციელდეს მათი გაკულტურებისა და ნიადაგების ნაყოფიერების გადიდების ღონისძიებანი.

არასასოფლო-სამეურნეო საჭიროებისათვის გამოყოფილი მიწების ნაცვლად ახალი მიწების ათვისების ღირებულება განისაზღვრება იმ ნორმატივების მიხედვით, რომლებსაც აწესებენ მოკავშირე რესპუბლიკების მინისტრთა საბჭოება სსრ კავშირის სახელმწიფო საგეგმო კომიტეტთან, სსრ კავშირის სოფლის მეურნეობის სამინისტროსთან და სსრ კავშირის ფინანსთა სამინისტროსთან შეთანხმებით.

საწარმოებმა, ორგანიზაციებმა და დაწესებულებებმა, რომლებსაც გამოეყოფათ მიწის ნაკვეთები არასასოფლო-სამეურნეო საჭიროებისათვის, უნდა გაითვალისწინონ შესაბამის ხარჯთაღრიცხვებში სახსრები (დანაკარგების ასანაზღაურებელი თანხების ოდენობით) მიწების ათვისებასთან და ნიადაგების ნაყოფიერების გადიდებასთან დაკავშირებულ ღონისძიებათა განსახორციელებლად.

სასოფლო-სამეურნეო წარმოების დანაკარგების ასანაზღაურებლად გათვალისწინებული სახსრები გადაირიცხება მოკავშირე რესპუბლიკების სასოფლო-სამეურნეო ორგანოთა სპეციალურ ანგარიშებზე, რომლებიც გახსნილია სსრ კავშირის სახელმწიფო ბანკში, და გამოიყენება მოკავშირე რესპუბლიკების მინისტრთა საბჭოების მიერ დადგენილი წესით ახალი მიწების ასათვისებლად და ახლად ასათვისებელი მიწების ნაყოფიერების გადიდების ან არსებული სასოფლო-სამეურნეო სავარგულების გაუმჯობესების ღონისძიებათა განსახორციელებლად. სასოფლო-სამეურნეო წარმოების დანაკარგების ასანაზღაურებლად გათვალისწინებული გამოუყენებელი ფულადი სახსრები წლის ბოლოს არ ჩამოერთმევა და მომდევნო წელს მოხმარდება მიწების ათვისებისა და ნიადაგების ნაყოფიერების გადიდების ღონისძიებათა დაფინანსებას.

სსრ კავშირის სახელმწიფო საგეგმო კომიტეტმა გაითვალისწინოს სახალხო-სამეურნეო გეგმათა პროექტებში მოკავშირე რესპუბლიკების მინისტრთა საბჭოების, აგრეთვე მიწის ნაკვეთების გამოყოფით დაინტერესებული სსრ კავშირის სამინისტროებისა და უწყებების წინადადებათა მიხედვით ახალი მიწების ათვისებასთან და ახლად ასათვისებელი მიწების ნაყოფიერების გადიდების ღონისძიებათა განხორციელებასთან ან არსებული სასოფლო-სამეურნეო სავარგულების გაუმჯობესებასთან დაკავშირებულ საპროექტო-საძიებო და სამშენებლო-სამონტაჟო სამუშაოთა შესრულება სასოფლო-სამეურნეო წარმოების დანაკარგების ასანაზღაურებლად გათვალისწინებული სახსრების ხარჯზე, „სოფლის მეურნეობის“ დარგით დაწესებული კაპიტალურ დახანდებათა მოცულობის გადამეტებით.

6. მიწის ნაკვეთების გამოყოფასთან ან მათი დროებით დაკავებასთან დაკავშირებით მიწათმოსარგებლეთათვის ზარალისა და სასოფლო-სამეურნეო წარმოების დანაკარგების განსაზღვრის მიზნით მშრომელთა დეპუტატების რაიონ-

ნული (საქალაქო) საბჭოების აღმასრულებელი კომიტეტები ქმნიან შემდგომად კომისიებს შემდეგი შემადგენლობით: მშრომელთა დეპუტატების რაიონული (საქალაქო) საბჭოს წევრი — თავმჯდომარე, მიწების გამოყენებისა და დაცვის სახელმწიფო რაიონული ინსპექტორი, რაიონული (საქალაქო) საბჭოს აღმასკომის საფინანსო და კომუნალური განყოფილებების, მშრომელთა დეპუტატების სასოფლო (სადამბო) საბჭოს წარმომადგენლები, მიწათმოსარგებლე, რომლის მიწებიდანაც ხდება ნაკვეთის გამოყოფა ან დროებით დაკავება, მიწის ნაკვეთის გამოყოფით დაინტერესებული საწარმოს, ორგანიზაციის, დაწესებულების წარმომადგენელი, აგრეთვე სხვა ორგანოთა წარმომადგენლები მშრომელთა დეპუტატების რაიონული (საქალაქო) საბჭოს აღმასკომის შეხედულებისამებრ.

კომისიის მუშაობის შედეგების მიხედვით დგება აქტი, რომელშიც აღნიშნება მიწათმოსარგებლეთათვის ასანაზღაურებელი ზარალისა და სასოფლო-სამეურნეო წარმოების დანაკარგების ოდენობა; აქტს განიხილავს და ამტკიცებს მშრომელთა დეპუტატების რაიონული (საქალაქო) საბჭოს აღმასკომი.

მშრომელთა დეპუტატების რაიონული (საქალაქო) საბჭოს აღმასრულებელი კომიტეტის გადაწყვეტილება აღნიშნულ საკითხზე შეიძლება 10 დღის ვადაში გასაჩივრდეს მშრომელთა დეპუტატების საოლქო, სამხარეო, საქალაქო (რაიონული დაყოფის მქონე ქალაქებში) აღმასრულებელ კომიტეტში, ავტონომიური რესპუბლიკის მინისტრთა საბჭოში, ხოლო იმ მოკავშირე რესპუბლიკებში, რომლებსაც არა აქვთ საოლქო დაყოფა, — მოკავშირე რესპუბლიკის მინისტრთა საბჭოში. აღნიშნულ ორგანოთა გადაწყვეტილებანი საბოლოოა.

7. მიწათმოსარგებლეთათვის ზარალისა და სასოფლო-სამეურნეო წარმოების დანაკარგების ასანაზღაურებლად ამ დადგენილების შესაბამისად საწარმოების, ორგანიზაციებისა და დაწესებულებების მიერ გადახდილი სახსრების ოდენობა შედის ობიექტების მშენებლობის სახარჯთაღრიცხვო ღირებულებაში ან განეკუთვნება იმ საწარმოების, ორგანიზაციებისა და დაწესებულებების საწარმოო საქმიანობას, რომლებსაც ეძლევათ მიწის ნაკვეთები.

8. სასოფლო-სამეურნეო წარმოების დანაკარგები არ ნაზღაურდება, როცა:

— მიწის ნაკვეთები გამოყოფილია სასოფლო-სამეურნეო დანიშნულების მიწების მოსარწყავად და დასაშრობად გათვალისწინებულ სამელოორაციო სისტემათა მშენებლობისათვის;

— მიწების ნაკვეთები (სახნავის და მრავალწლოვანი ნარგავებით, კულტურული სათიბებითა და საძოვრებით დაკავებული ნაკვეთების გარდა) გამოყოფილია სსრ კავშირის თევზის მეურნეობის სამინისტროს სისტემის გუბურებისა და ტბების თევზის მეურნეობათა, თევზსაშენთა, ქვირითსაყრელ-გამოსაზრდელ მეურნეობათა და თევზის ქარხნების მშენებლობისათვის;

— დასახლებული პუნქტების ფარგლებში განლაგებული მიწის ნაკვეთები გამოყოფილია სკოლებისა და სკოლამდელ ბავშვთა დაწესებულებების, სავაჭრო ობიექტების, სამკურნალო დაწესებულებებისა და კულტურულ-საყოფაცხოვრებო დანიშნულების ობიექტების მშენებლობისათვის;

— მიწის ნაკვეთები მიცემულია დროებითი სარგებლობისათვის, თუ გამოყოფის პირობების მიხედვით ეს ნაკვეთები შემდგომ მოყვანილი უნდა იქნეს სოფლის მეურნეობაში გამოსაყენებლად ვარგის მდგომარეობაში.

უველახე მსხვილი ჰიდროენერგეტიკული ობიექტების მშენებლობისათვის სასოფლო-სამეურნეო სავარგულებით დაკავებული მიწის ნაკვეთების გამოყოფისას სასოფლო-სამეურნეო წარმოების დანაკარგების განსაზღვრის წესს ადგენს სსრ კავშირის მინისტრთა საბჭო ამ ობიექტების მშენებლობის საკითხის გადაწყვეტის დროს.

9. დაწესდეს, რომ ობიექტების მშენებლობისა და განლაგების იმ პროექტების სახელმწიფო ექსპერტიზის განმხორციელებელი ორგანოები, რომლებშიც გათვალისწინებულია მიწის ნაკვეთების გამოყოფა კოლმეურნეობების, საბჭოთა მეურნეობების და სხვა სასოფლო-სამეურნეო საწარმოების, ორგანიზაციებისა და დაწესებულებების სარგებლობაში არსებული მიწებიდან, ამ პროექტებს განიხილავენ სსრ კავშირის სოფლის მეურნეობის სამინისტროს სისტემის მიწათმოწყობის სამსახურის წარმომადგენელთა მონაწილეობით, რომლებიც სახელმწიფო კონტროლს უწევენ მიწების გამოყენებას.

მოკავშირე რესპუბლიკების მინისტრთა საბჭოებმა და სსრ კავშირის სოფლის მეურნეობის სამინისტრომ მიიღონ საჭირო ზომები მიწათმოწყობის სამსახურის განსამტკიცებლად რესპუბლიკებში, მხარეებში, ოლქებსა და რაიონებში.

10. სსრ კავშირის სახელმწიფო ბანკმა და სსრ კავშირის მშენბანკმა საპროექტო სამუშაოები (გარდა ტექნიკურ-ეკონომიური დასაბუთების შედგენასთან დაკავშირებული სამუშაოებისა) დააფინანსონ მხოლოდ მაშინ, თუ არსებობს შესაბამისი დოკუმენტები იმის შესახებ, რომ მიწათმოსარგებლებს და მიწების გამოყენებისადმი სახელმწიფო კონტროლის განმხორციელებელ ორგანოებს (კანონმდებლობით გათვალისწინებულ შემთხვევებში კი — სხვა ორგანოებსაც, რომლებიც ახორციელებენ სახელმწიფო კონტროლს ბუნებრივი რესურსების გამოყენებისადმი) წინასწარ შეუთანხმეს ობიექტის განლაგების ადგილი და გამოსაყოფად გათვალისწინებული მიწის ნაკვეთის დაახლოებითი ფართობი.

ობიექტების მშენებლობა დაფინანსდეს მხოლოდ მას შემდეგ, რაც შემკვეთი წარადგენს მიწათმოწყობის ორგანოს დოკუმენტს სარგებლობისათვის მიცემული მიწის ნაკვეთის საზღვრების ნატურით (ადგილმდებარეობაზე) დაწესების შესახებ და შესაბამისი ორგანოს მიერ გაცემულ დოკუმენტს, რომელიც ადასტურებს მიწის სარგებლობის უფლებას.

კოლმეურნეობებისათვის, საბჭოთა მეურნეობებისა და სხვა სასოფლო-სამეურნეო საწარმოებისათვის, ორგანიზაციებისა და დაწესებულებებისათვის მიცემული მიწები შინასამეურნეო მშენებლობისათვის გამოიყენება დადგენილი წესით. ამასთან მშენებლობისათვის გამოყოფილი მიწის ნაკვეთის განლაგების ადგილი და ფართობი წინასწარ უთანხმდება სსრ კავშირის სოფლის მეურნეობის სამინისტროს სისტემის მიწათმოწყობის სამსახურის ორგანოებს, რომლებიც ახორციელებენ სახელმწიფო კონტროლს მიწების გამოყენებისადმი.

11. დაევალოთ სსრ კავშირის სოფლის მეურნეობის სამინისტროს, სსრ კავშირის ფინანსთა სამინისტროსა და სსრ კავშირის იუსტიციის სამინისტროს შეიმუშაონ და დაამტკიცონ 3 თვის ვადაში ინსტრუქცია სახელმწიფო ან საზოგადოებრივი საჭიროებისათვის მიწების გამოყოფასთან დაკავშირებით მიწათმოსარგებლეთათვის ზარალისა და სასოფლო-სამეურნეო წარმოების დანაკარგების ანაზღაურების წესის შესახებ.

12. მოკავშირე რესპუბლიკების მინისტრთა საბჭოებმა ამ დადგენილებას შეუსაბამონ დებულებანი სახელმწიფო ან საზოგადოებრივი საჭიროებისათვის მიწის ნაკვეთების გამოყოფის წესის შესახებ.

13. მოკავშირე რესპუბლიკების მინისტრთა საბჭოებმა და სსრ კავშირის სოფლის მეურნეობის სამინისტრომ დაინტერესებულ სამინისტროთა და უწყებათა მონაწილეობით შეიმუშაონ და განახორციელონ ღონისძიებანი ჩვენი ქვეყნის მიწის რესურსების დაცვის გასაძლიერებლად და მათი გამოყენების გასაუმჯობესებლად, აგრეთვე მიწის კანონმდებლობის განუხრელი დაცვის უზრუნველსაყოფად.

სსრ კავშირის მინისტრთა საბჭოს
 თავმჯდომარე **ა. კონიზინი.**

სსრ კავშირის მინისტრთა საბჭოს
 საქმეთა მმართველი **მ. სმირტიშკოვი.**

81 **საქართველოს სსრ მცენიერებათა აკადემიის ივ. ჯავახიშვილის სახელობის ისტორიის, არქეოლოგიისა და ეთნოგრაფიის ინსტიტუტისათვის მცენიერების რაიონის სოფელ ქალისში არქეოლოგიური გათხრების წარმოების ნებართვის შესახებ**

საქართველოს სსრ მინისტრთა საბჭო ა დ გ ე ნ ს:

დამტკიცდეს მცხეთის რაიონის მშრომელთა დებუტატების საბჭოს აღმასკომის 1974 წლის 13 ივნისის № 219 გადაწყვეტილება და (ნაცვლად გამოყოფისა) ნება დაერთოს საქართველოს სსრ მეცნიერებათა აკადემიის ივ. ჯავახიშვილის სახელობის ისტორიის, არქეოლოგიისა და ეთნოგრაფიის ინსტიტუტს მცხეთის რაიონის ძალისის მეთესლეობის საბჭოთა მეურნეობის 5 ჰექტარ მიწაზე (3 ჰექტარი საზოგადოებრივი სახნავი ფართობი და 2 ჰექტარი საკარმიდამო მიწა) აწარმოოს არქეოლოგიური გათხრები.

დაევალოს საქართველოს სსრ მეცნიერებათა აკადემიის ივ. ჯავახიშვილის სახელობის ისტორიის, არქეოლოგიისა და ეთნოგრაფიის ინსტიტუტს აუნაზღაუროს:

— მუშა-მოსამსახურეებსა და სხვა პირებს — გათხრების შედეგად მიყენებული ზარალი რაიადმასკომის მიერ დამტკიცებული შეფასების აქტის თანახმად;

— საქართველოს სსრ სოფლის მეურნეობის სამინისტროს — 5 სექტორის ახალი მიწის სახნავად მომზადების ხარჯები.

ნება დაერთოს ძალისის მეთესლეობის საბჭოთა მეურნეობის დირექციას გამოუყოს სამაგიერო მიწები საკარმიდამო მიწის თავისუფალი ფონდიდან იკომლებს, რომელთა საკარმიდამო მიწებზე იწარმოებს არქეოლოგიური გათხრები.

საქართველოს სსრ მინისტრთა საბჭოს
თავმჯდომარე **ბ. ჯავახიშვილი.**

საქართველოს სსრ მინისტრთა საბჭოს
საქმეთა მმართველი **წ. ახვლედიანი.**

ქ. თბილისი, 1974 წ. 19 სექტემბერი, № 517

82 საცხოვრებელი სახლებისა და აპარატების თვითნაზარი მუშა ნაგებობის შესახებ

საქართველოს სსრ მინისტრთა საბჭო აღნიშნავს, რომ, მიუხედავად საქართველოს სსრ მთავრობის მიერ მიღებული გადაწყვეტილებებისა სახლების თვითნაზარი მშენებლობის წინააღმდეგ ბრძოლის შესახებ (საქართველოს სსრ სახალხო კომისართა საბჭოს 1939 წლის 2 აგვისტოს № 1462 დადგენილება, საქართველოს სსრ მინისტრთა საბჭოს 1953 წლის 22 ოქტომბრის № 1448, 1955 წლის 26 აგვისტოს № 478, 1956 წლის 27 ივლისის № 395, 1963 წლის 18 იანვრის № 39, 1968 წლის 16 იანვრის № 23 და სხვა დადგენილებანი), მშრომელთა დეპუტატების საქალაქო და რაიონული საბჭოების ზოგიერთ აღმასკომს არ აღუყვებთ მოქალაქეთა მიერ სახლების თვითნაზარი მშენებლობისათვის მიწის ნაკვეთების მიტაცების ფაქტები და დროულად არ მიუღია კანონით (საქართველოს სსრ სამოქალაქო სამართლის კოდექსის 107-ე მუხლით, სისხლის სამართლის კოდექსის 180-ე, 221-ე მუხლებით) დაწესებული ზომები აღნიშნული მშენებლობის სალიკვიდაციოდ. ამის შედეგად ამჟამად რესპუბლიკაში აღრიცხულია 50 ათასზე მეტი თვითნაზარი აღნიშნული სახლი, ძირითადად მიტაცებულ მიწის ნაკვეთებზე.

„საქართველოს სსრ სამოქალაქო სამართლის კოდექსის 107-ე მუხლით ცვლილებათა და დამატებათა შეტანის შესახებ“ საქართველოს სსრ უმაღლესი საბჭოს პრეზიდიუმის 1974 წლის 12 აპრილის ბრძანებულებასთან დაკავშირებით საქართველოს სსრ მინისტრთა საბჭო ადგენს:

1. დაევალოთ მშრომელთა დეპუტატების საქალაქო და რაიონული საბჭოების აღმასკომებს:

ა) ჩატარონ საქართველოს სსრ უმაღლესი საბჭოს პრეზიდიუმის 1974 წლის 12 აპრილის ბრძანებულების გამოცემამდე თვითნებურად აშენებული ყველა სახლის (აგარაკის) ინვენტარიზაცია და აიყვანონ ეს ნაგებობანი განსაკუთრებულ აღრიცხვაზე;

ბ) ჩამოართვან მიტაცებული მიწის ნაკვეთები;

გ) განიხილონ საკითხი თითოეული თვითნებურად აშენებული სახლის შესახებ და მიიღონ გადაწყვეტილება: რომელი სახლების მფლობელთა მიმართ არის მიზანშეწონილი საქმის აღძვრა მათი უსასყიდლოდ ჩამორთმევის თაობაზე კანონის შესაბამისად, და რომელი სახლები უნდა დაინგრეს, მაგრამ პრაქტიკულად მათი დანგრევა ამჟამად შეუძლებელია, ვინაიდან იქ ცხოვრობენ მოქალაქენი, რომელთაც სხვა საცხოვრებელი არა აქვთ;

დ) აღძვრან კანონის შესაბამისად სასამართლოებში საქმეები იმ სახლების უსასყიდლოდ ჩამორთმევისა და მშრომელთა დეპუტატების ადგილობრივი საბჭოების ფონდში გადაცემის შესახებ, რომელთა ჩამორთმევაც მიზანშეწონილად იქნება მიჩნეული;

ე) მშრომელთა დეპუტატების ადგილობრივი საბჭოების ფონდში არგადასაცემი თვითნებურად აშენებული სახლების მფლობელებს მისცენ დროებითი საბინაო დავთრები, საქართველოს სსრ მინისტრთა საბჭოს 1969 წლის 4 მარტის № 110 დადგენილების შესაბამისად, აღნიშნულ სახლებში მცხოვრება მოსახლეობის აღრიცხვის მიზნით, თუ რაიმე მიზეზით ეს დავთრები ჯერ კიდევ არ არის გაცემული. ამავე დროს კვლავ აცნობონ თვითნებურად აშენებული სახლების მფლობელებს, რომ მათთვის დროებითი საბინაო დავთრების მიცემა არ ნიშნავს აღნიშნულ სახლებზე მათი პირადი საკუთრების უფლების ცნობას, რომ კანონის შესაბამისად მათ უფლება არა აქვთ განკარგონ ხსენებული სახლები, ე. ი. მათ არ შეუძლიათ გაყიდონ ან გაასხვისონ ისინი რაიმე ფორმით, გააჭიროონ, აწარმოონ მიშენება, დაშენება, რეკონსტრუქცია და ა. შ., მაგრამ შეუძლიათ იცხოვრონ თვითნებურად აშენებულ სახლებში მანამ, სანამ საჭირო არ გახდება სახელმწიფო ან საზოგადოებრივი საჭიროებისათვის იმ მიწის ნაკვეთების ჩამორთმევა, რომლებზეც ეს სახლები დგას, რომ მათ არ აღუწაფთ ნაგებობათა ღირებულება და სხვა დანახარჯები;

ვ) თვითნებურად აშენებული აგარაკები, მათი მდგომარეობის შესაბამისად, დაანგრიონ მშრომელთა დეპუტატების რაიონული (საქალაქო) საბჭოს გადაწყვეტილებით, ანდა უსასყიდლოდ ჩამოართვან სასამართლო წესით და გადასცენ მშრომელთა დეპუტატების ადგილობრივი საბჭოს ფონდში, იქ მცხოვრებ მოქალაქეთა გამოსახლებით;

ზ) ინდივიდუალური საბინაო მშენებლობის განხორციელების დადგენილი წესის დაცვისადმი ქმედითი კონტროლის დაწესების მიზნით:

— უზრუნველყონ საქვეუწყებო ტერიტორიების სისტემატური შემოვლა მილიციისა და მშრომელთა აქტივის, პენსიონერთა ძალებით, სახლებისა და აგარაკების თვითნებური მშენებლობის დაუყოვნებლივ აღკვეთისა და კანონით დაწესებული ზომების მიღების მიზნით;

— სისტემატურად, თვეში ერთხელ მაინც, განიხილონ საკითხი სახლებისა და აგარაკების თვითნებური მშენებლობის წინააღმდეგ ბრძოლის მდგომარეობისა და „საქართველოს სსრ სამოქალაქო სამართლის კოდექსის 107-ე მუხლში ცვლილებათა და დამატებათა შეტანის შესახებ“ საქართველოს სსრ უმაღლესი საბჭოს პრეზიდიუმის 1974 წლის 12 აპრილის ბრძანებულების შესაბამისად მათ სალიკვიდაციოდ მიღებული ზომების შესახებ;

თ) აცნობონ საქართველოს სსრ სახმშენს სახლებისა და აგარაკების თვითნებური მშენებლობის ფაქტები, თუ ადგილი აქვს ასეთ ფაქტებს, და მისი ლიკვიდაციისათვის მიღებული ზომები.

2. დაევალოს საქართველოს სსრ სახმშენს განაზოგადოს ამ დადგენილების 1-ლი პუნქტის „თ“ ქვეპუნქტით გათვალისწინებული ადგილებიდან მიღებული ცნობები და ყოველკვარტალურად წარმოუდგინოს საქართველოს სსრ მინისტრთა საბჭოს შესაბამისი ინფორმაცია.

3. საქართველოს სსრ შინაგან საქმეთა სამინისტრომ და საქართველოს სსრ საბინაო-კომუნალური მეურნეობის სამინისტრომ და მათმა ადგილობრივმა ორგანოებმა მიიღონ აქტიური მონაწილეობა ინდივიდუალური საცხოვრებელი სახლებისა და აგარაკების თვითნებური მშენებლობის წინააღმდეგ ბრძოლის საქმეში.

4. საქართველოს სსრ პროკურატურამ და საქართველოს სსრ სახალხო კონტროლის კომიტეტმა დაავალონ თავიანთ ადგილობრივ ორგანოებს გააძლიერონ ზედამხედველობა და კონტროლი მოქალაქეთა მიერ ინდივიდუალური საცხოვრებელი სახლების მშენებლობის კანონით დადგენილი წესის პრაქტიკაში განუხრებელი განხორციელებისადმი, ამასთან საჭირო დახმარება აღმოუჩინონ სახელმწიფო ხელისუფლების ადგილობრივ ორგანოებს თვითნებური მშენებლობის წინააღმდეგ ბრძოლაში.

5. ძალადაკარგულად ჩაითვალოს საქართველოს სსრ მინისტრთა საბჭოს 1956 წლის 26 ივლისის № 395 დადგენილების მე-10 პუნქტი.

საქართველოს სსრ მინისტრთა საბჭოს
 თავმჯდომარე **ბ. ჯაპახიძე**.

საქართველოს სსრ მინისტრთა საბჭოს
 საქმეთა მმართველი **ზ. ახვლედიანი**.

83 საქართველოს სსრ მინისტრთა საბჭოს 1965 წლის 16 მარტის № 159 დადგენილების ძალადაკარგულად ჩათვლის შესახებ

საქართველოს სსრ მინისტრთა საბჭო ადგენს:

1. ძალადაკარგულად ჩაითვალოს საქართველოს სსრ მინისტრთა საბჭოს 1965 წლის 16 მარტის № 159 დადგენილება „საქართველოს სსრ მინისტრთა საბჭოს 1965 წლის 8 იანვრის № 7 დადგენილების დამატების შესახებ“.

2. კოოპერაციული საცხოვრებელი სახლების მშენებლობისათვის მიწის ნაკვეთების გამოყოფა განხორციელდეს „კოოპერაციული საბინაო მშენებლობის შემდგომი განვითარების შესახებ“ სსრ კავშირის მინისტრთა საბჭოს 1964 წლის 19 ნოემბრის № 943 დადგენილებისა და მის საფუძველზე მიღებული „საქართველოს სსრ რესპუბლიკაში კოოპერაციული საბინაო მშენებლობის მიმდინარეობისა და მისი შემდგომი განვითარების შესახებ“ საქართველოს სსრ მინისტრთა საბჭოს 1965 წლის 8 იანვრის № 7 დადგენილების ზუსტი შესაბამისობით.

3. დაევალოს შრომელთა დეპუტატების საქალაქო და რაიონული საბჭოების აღმასკომებს უზრუნველყონ კანონიერების უმკაცრესი დაცვა საბინაო-სამშენებლო კოოპერატივების საქმიანობაში და არ დაუშვან არავითარი გადახვევა ამ კოოპერატივების შექმნისა და კოოპერაციული სახლების მშენებლობისათვის მიწის ნაკვეთების გამოყოფის დადგენილი წესისაგან.

4. დაევალოს საქართველოს სსრ იუსტიციის სამინისტროს წარმოადგინოს წინადადებანი ამ დადგენილების მიღებასთან დაკავშირებით საქართველოს სსრ მინისტრთა საბჭოს გადაწყვეტილებათა ძალადაკარგულად ჩათვლის შესახებ.

საქართველოს სსრ მინისტრთა საბჭოს
თავმჯდომარე **ბ. ჯავახიშვილი.**

საქართველოს სსრ მინისტრთა საბჭოს
საქმეთა მმართველი **ზ. ახვლედიანი.**

ქ. თბილისი, 1974 წ. 28 სექტემბერი, № 529

84 საქართველოს სსრ მინისტრთა საბჭოს სამონტაჟო და სპეციალურ საფუნაზლო საფუძაოთა სამმართველოს დაფუძნების თაობაზე

იმასთან დაკავშირებით, რომ საქართველოს სსრ უმაღლესი საბჭოს პრეზიდიუმის 1971 წლის 3 დეკემბრის ბრძანებულებით საქართველოს სსრ მინისტრთა საბჭოს სამონტაჟო და სპეციალურ სამშენებლო სამუშაოთა სამმართველო გარდაიქმნა საქართველოს სსრ მინისტრთა საბჭოს სამონტაჟო და სპეციალურ სამშენებლო სამუშაოთა მთავარ სამმართველოდ, საქართველოს სსრ მინისტრთა საბჭო ადგენს:

შეტანილ იქნეს საქართველოს სსრ მინისტრთა საბჭოს 1970 წლის 7 ოქტომბრის № 542 დადგენილებით დამტკიცებულ დებულებაში საქართველოს სსრ მინისტრთა საბჭოს სამონტაჟო და სპეციალურ სამშენებლო სამუშაოთა სამმართველოს შესახებ ცვლილებანი — სათაურში და დებულების ყველა პუნქტში სახელწოდება „საქართველოს სსრ მინისტრთა საბჭოს სამონტაჟო და სპეციალურ სამშენებლო სამუშაოთა სამმართველო“ შეიცვალოს სახელწოდებით „საქართველოს სსრ მინისტრთა საბჭოს სამონტაჟო და სპეციალურ სამშენებლო სამუშაოთა მთავარი სამმართველო“.

საქართველოს სსრ მინისტრთა საბჭოს
თავმჯდომარის მოადგილე შ. კიკნაძე.

საქართველოს სსრ მინისტრთა საბჭოს
საქმეთა მმართველი ზ. ახვლედიანი.

ქ. თბილისი, 1974 წ. 3 ოქტომბერი, № 539.

85 საქართველოს სსრ რესპუბლიკაში ელექტროგასანათიებელი ძხვ- ლეგისა და დანადგარების ექსპლუატაციის უზრუნველყოფის გაუმჯობ- რებისა და მუშაობის უზრუნველყოფის ღონისძიებათა შესახებ

საქართველოს სსრ მინისტრთა საბჭო აღნიშნავს, რომ საქართველოს სსრ რესპუბლიკაში არსებული გარეგანი არქიტექტურული განათების ელექტროქსელებისა და დანადგარების ექსპლუატაცია და ახლის ამოქმედება ჩამორჩება თანამედროვე მოთხოვნებს, ეს კი გარკვეულწილად გავლენას ახდენს მრეწველობისა და სოფლის მეურნეობის მთელი რიგი დარგების მუშაობაზე, აგრეთვე აუარესებს ქალაქებისა და რაიონული ცენტრების გარეგან და არქიტექტურულ-დეკორატიულ განათებას.

ჭკრავანი ყურადღება არ ეთმობა სპეციალისტ-შუქტექნიკოსთა კადრების მომზადებასა და შუქტექნიკურ განათლებას.

საქართველოს სსრ მინისტრთა საბჭო ა დ გ ე ნ ს:

1. რესპუბლიკაში არსებული გარეგანი და არქიტექტურული განათების ელექტროქსელებისა და დანადგარების ექსპლუატაციისა და ახლის ამოქმედებისადმი ხელმძღვანელობის გაუმჯობესების, აგრეთვე შუქტექნიკის განვითარების კოორდინაციის მიზნით და სსრ კავშირის ენერგეტიკისა და ელექტროფიკაციის სამინისტროს თანხმობის გათვალისწინებით დაევალოს საქართველოს სსრ ენერგეტიკისა და ელექტროფიკაციის მთავარ საწარმოო სამმართველოს შექმნას სამეურნეო-ანგარიშიანი საწარმო „საქგანათება“.

საჭიროდ ჩაითვალოს, რომ „საქგანათება“:

ა) ხელმძღვანელობას უწყევდეს გარეგანი და არქიტექტურულ-დეკორატიული განათების ელექტროქსელების განვითარებასა და ექსპლუატაციას, აგრეთვე ასრულებდეს თავისი სარემონტო-სამშენებლო ორგანიზაციისა და ადგი-

ლობრივი ქვედანაყოფების მეშვეობით აღნიშნული ქსელებისა და დანადგარების მშენებლობის, მონტაჟის, რეკონსტრუქციისა და ექსპლუატაციის სამუშაოებს საქართველოს სსრ რესპუბლიკაში ადგილობრივ საბჭოებთან დადებულ ხელშეკრულებათა საფუძველზე შემკვეთთა სახსრებითა და მასალებით;

ბ) კონტროლს უწევდეს გარეგანი და არქიტექტურული განათების დანადგარების დანერგვასა და სრულყოფას მათი ესთეტიკური ღონის, ეფექტიანობისა და ექსპლუატაციის კულტურის ამაღლების გათვალისწინებით;

გ) კონტროლს უწევდეს გარეგანი და არქიტექტურულ-დეკორაციული განათების დანადგარების დაპროექტებას საქართველოს სსრ რესპუბლიკაში და აწარმოებდეს პროექტების შეთანხმებას, ზედამხედველობას მათი განხორციელებისადმი.

2. დაევალთ მშრომელთა დებუტატების ადგილობრივი საბჭოების აღმასკომებს და საქართველოს სსრ საავტომობილო გზების სამინისტროს:

ა) საქართველოს სსრ სახმშენთან, საქართველოს სსრ ენერგეტიკისა და ელექტრიფიკაციის მთავარ საწარმოო სამმართველოსთან, საქართველოს სსრ საბინაო-კომუნალური მეურნეობის სამინისტროსთან ერთად შეიმუშაონ ქალაქების, რაიონული ცენტრებისა და ყველაზე გადატვირთული სატრანსპორტო მაგისტრალების გარეგანი განათების რეკონსტრუქციისა და განვითარების პერსპექტიული გეგმა, აგრეთვე შეარჩიონ ყველაზე დამახასიათებელი ისტორიული ძეგლები და ნაგებობანი მათი არქიტექტურულ-დეკორაციული განათებისათვის, ამასთან გაითვალისწინონ ეს ღონისძიებანი მიმდინარე და პერსპექტიულ სამუშაოთა გეგმებში;

ბ) დაუღონ საქართველოს სსრ ენერგეტიკისა და ელექტრიფიკაციის მთავარ საწარმოო სამმართველოს ხელშეკრულებანი გარეგანი განათების ელექტროდანადგარების მშენებლობის, ექსპლუატაციისა და დაპროექტების აღნიშნულ სამუშაოთა შესასრულებლად, ამასთან უზრუნველყონ ისინი დაფინანსებითა და მატერიალურ-ტექნიკური მომარაგებით;

გ) გაუწიონ „საქგანათების“ ადგილობრივ ორგანოებს დახმარება სადგომების, ტრანსპორტის გამოყოფაში და ა. შ.

3. დაევალოს საქართველოს სსრ ენერგეტიკისა და ელექტრიფიკაციის მთავარ საწარმოო სამმართველოს:

ა) მშრომელთა დებუტატების ადგილობრივ საბჭოებთან ერთად შეიმუშაოს და განახორციელოს ღონისძიებანი გარეგანი განათების ფიდერების თანდათანობით გამოყოფისათვის, აგრეთვე გარეგანი განათების ცენტრალიზებული ტელემექანიკური და ავტომატური მართვის და გარეგანი განათებისათვის მოხმარებული ელექტროენერჯის აღრიცხვის ორგანიზაციის განსახორციელებლად;

ბ) შექმნას „საქენერგოპროექტის“ ინსტიტუტთან გარეგანი და არქიტექტურულ-დეკორაციული განათების ახალი დანადგარების დაპროექტებისა და არსებული დანადგარების რეკონსტრუქციის სპეციალიზებული ჯგუფი;

გ) ერთი თვის ვადაში შეიმუშაოს და დაამტკიცოს დადგენილი წესით დებულება „საქგანათების“ შესახებ.



4. დაევალოს საქართველოს სსრ სახელმწიფო საგეგმო კომიტეტს პუბლიკის სახალხო მეურნეობის განვითარების 1976—1990 წლების ძირითად მიმართულებათა შემუშავებისას განიხილოს გასანათებელ ხელსაწყოთა და შუქტექნიკურ ნაყოთბათა გამომშვები საწარმოს ორგანიზაციის საკითხი.

5. დაევალოს საქართველოს სსრ უმაღლესი და საშუალო სპეციალური განათლების სამინისტროს განიხილოს და გადაწყვიტოს საკითხი იმის შესახებ, რომ საქართველოს ვ. ი. ლენინის სახელობის პოლიტექნიკური ინსტიტუტის შესაბამის ფაკულტეტებზე გაიზარდოს შუქტექნიკის, გარეგანი და დეკორაციული განათების, აგრეთვე სახალხო მეურნეობაში გასანათებელი ტექნიკის საშუალებათა გამოყენების კურსის სასწავლო საათების რაოდენობა.

6. დაევალოს საქართველოს სსრ მინისტრთა საბჭოს პროფესიულ-ტექნიკური განათლების სახელმწიფო კომიტეტს ყოველწლიურად გაითვალისწინოს გასანათებელი ქსელებისა და მოწყობილობის მონტაჟისა და ექსპლუატაციის დარგის ელექტრომონტიორ-მემონტაჟეთა მომზადება საქართველოს სსრ ენერგეტიკისა და ელექტრიფიკაციის მთავარი საწარმოო სამმართველოსათვის მისი განაცხადების მიხედვით.

7. დაევალოს საქართველოს სსრ სამინისტროებსა და უწყებებს ტექნიკური ესთეტიკის სრულიად საკავშირო სამეცნიერო-კვლევითი ინსტიტუტის საქართველოს ფილიალთან და საკავშირო პროფსაბჭოს შრომის დაცვის სრულიად საკავშირო სამეცნიერო-კვლევით ინსტიტუტთან ერთად:

ა) შეამოწმონ საქვეუწყებო საწარმოებსა და ორგანიზაციებში შუქტექნიკის საშუალებათა გამოყენებისა და განათების მდგომარეობის საკითხი და განახორციელონ ღონისძიებანი სასწავლო და საწარმოო სადგომების, სამშენებლო მოედნებისა და საშენი მასალების მოპოვების ადგილების განათების გასაუმჯობესებლად და დაწესებულ ნორმატივებამდე მათი განათებულობის გასადიდებლად, ამასთან უზრუნველყონ მეორე და მესამე ცვლების ნორმალური მუშაობა განათების თანამედროვე და მაღალინტენსიური წყაროების გამოყენების გზით;

ბ) გაადიდონ შუქტექნიკის საშუალებათა გამოყენება საწარმოო მიზნით, ამასთან უზრუნველყონ ოპტიკური გამოსხივების უფრო ფართოდ გამოყენება წარმოების ინტენსიფიკაციისა და ეფექტიანობის ამაღლებისათვის მეცხოველეობაში, მეფრინველეობაში, ბალნეოლოგიური და სხვა კულტურების სასათბურო და სანერგე მეურნეობებში.

8. დაევალოს საქართველოს სსრ კავშირგაბმულობის სამინისტროს გამოყოს შესაბამისი საქალაქო საბჭოებისა და „საქგანათების“ განაცხადების მიხედვით საჭირო რაოდენობის წყვილები ტელეფონის ხაზებში ტექნიკური შესაძლებლობის ფარგლებში გარეგანი განათების ცენტრალიზებული ტელემეჯანიკური და ავტომატური მართვის სქემების განსახორციელებლად.

9. დაევალოს საქართველოს სსრ მინისტრთა საბჭოს მეცნიერებისა და ტექნიკის სახელმწიფო კომიტეტს პრაქტიკაში შემოიღოს ქალაქების, რაიონული ცენტრების, მრეწველობის, ტრანსპორტის, სოფლის მეურნეობის საწარმოებისა და სხვა ორგანიზაციების ხელოვნურ განათებაში მოწინავე ტექნიკის

დანერგვის საკითხებზე ტექნიკური ინფორმაციის ბროშურების გამოცემა, აგრეთვე პერიოდულად მოიწვიოს თათბირები გასანათებელი დანადგარების ექსპლუატაციის თაობაზე გამოცდილების გასაზიარებლად.

10. დაევალოს საქართველოს სსრ სახმშენს გააძლიეროს კონტროლი გარეგანი და დეკორაციული განათების ელექტროდანადგარების დაპროექტებისადმი.

საქართველოს სსრ მინისტრთა საბჭოს
 თავმჯდომარის მოადგილე შ. პიკნაძე.

საქართველოს სსრ მინისტრთა საბჭოს
 საქმეთა მმართველი ზ. ახვლედიანი.

ქ. თბილისი, 1974 წ. 4 ოქტომბერი, № 543

86 ქალაქ თბილისის ახალი საზღვრის შესახებ

საქართველოს სსრ მინისტრთა საბჭო ა დ გ ე ნ ს:

1. მიღებულ იქნეს საქართველოს სსრ სახმშენისა და თბილისის მშრომელთა დეპუტატების საქალაქო საბჭოს აღმასკომის წინადადება და მოწონებულ იქნეს ქალაქ თბილისის ახალი საზღვრის წარმოდგენილი პროექტი, დანართის თანახმად, ამასთან განისაზღვროს ქალაქ თბილისის ტერიტორიის საერთო ფართობი საქალაქო საზღვრის ფარგლებში 34.860 ჰექტარის ოდენობით.

აღნიშნული პროექტი დასამტკიცებლად წარედგინოს საქართველოს სსრ უმაღლესი საბჭოს პრეზიდიუმს.

2. დაწესდეს, რომ ქალაქ თბილისის ფარგლებში მოქცეული საბჭოთა მეურნეობებისა და სხვა სასოფლო-სამეურნეო მიწები, აგრეთვე ტყის სავარგულეები რჩება საბჭოთა მეურნეობებისა და სატყეო მეურნეობის ორგანიზაციების სარგებლობაში და ეს მიწები ქალაქს მის განვითარებასთან დაკავშირებით ყოველ ცალკეულ შემთხვევაში უნდა გადაეცეს მოქმედი კანონმდებლობის საფუძველზე.

მოყოლებული 1977 წლიდან, მრავალწლოვანი კულტურები ქალაქ თბილისის ფარგლებში გაშენდეს საქართველოს სსრ სოფლის მეურნეობის სამინისტროსთან, საქართველოს სსრ საბჭოთა მეურნეობების სამინისტროსთან შეთანხმებული და თბილისის მშრომელთა დეპუტატების საქალაქო საბჭოს აღმასკომის მიერ დამტკიცებული ქალაქის მიწათსამეურნეო მოწყობის პროექტის სრული შესაბამისობით.

3. დაევალოს თბილისის მშრომელთა დეპუტატების საქალაქო საბჭოს აღმასკომს გაითვალისწინოს 1975-1976 წლების საპროექტო სამუშაოთა გეგმაში



შესაბამისი ლიმიტები ქალაქ თბილისის მიწათსამეურნეო მოწყობის პროექტის შესამუშავებლად სპეციალიზებული საპროექტო ორგანიზაციის ძალებით და უზრუნველყოს ამ პროექტის შედგენა 1976 წლის ბოლომდე.

4. ძალადაკარგულად ჩაითვალოს საქართველოს სსრ მინისტრთა საბჭოს 1973 წლის 8 თებერვლის № 70 დადგენილება „ქალაქ თბილისის ახალი საზღვრების დამტკიცების შესახებ“.

საქართველოს სსრ მინისტრთა საბჭოს
თავმჯდომარის მოადგილე **შ. პინაძე**.

საქართველოს სსრ მინისტრთა საბჭოს
საქმეთა მმართველი **ზ. ახვლედიანი**.

ქ. თბილისი, 1974 წ. 10 ოქტომბერი, № 556

საქართველოს სსრ მინისტრთა საბჭოს
1974 წლის 10 ოქტომბრის № 556
დადგენილების დანართი

ქალაქ თბილისის საზღვრის აღწერილობა

ქალაქ თბილისის საზღვარი იწყება ჩრდილოეთით — 746 მდლოზზე (№ 1 წერტილი), საგურამოს ნაკრძალის საზღვართან, შემდეგ მიჰყვება ამ საზღვარს 806 მდლოზამდე (№ 2 წერტილი), საიდანაც უხვევს სამხრეთ-აღმოსავლეთით და 629,6 მდლოზის (№ 3 წერტილი), 621,3 მდლოზის (№ 4 წერტილი), 634,2 მდლოზის (№ 5 წერტილი), 519,6 მდლოზის (№ 6 წერტილი) გავლით მიემართება მაღალი ძაბვის ელექტროგადამცემ ხაზთან მდინარე გლდანის გადაკვეთისაკენ (№ 7 წერტილი), შემდეგ მიუყვება ზემოთ მდინარე გლდანის დინების მიმართულებით ამ მდინარეზე გადებულ ხიდამდე (№ 8 წერტილი), საიდანაც გადის ჩრდილო-აღმოსავლეთისაკენ 733,2 მდლოზთან (№ 9 წერტილი).

ამ წერტილიდან ნასერალის ქედით საზღვარი მიდის უსახელო ხევამდე (№ 10 წერტილი), უხვევს ხევის გასწვრივ სამხრეთ-დასავლეთით, ჰკვეთს მდინარე ხევამარას 562,6 ნიშნულზე (№ 11 წერტილი) და 659,1 მდლოზის (№ 12 წერტილი) გავლით ეშვება ხევამდე (№ 13 წერტილი), მიუყვება ხევს 792 მდლოზამდე (№ 14 წერტილი), გასდევს მომდევნო ხევს 702 მდლოზამდე (№ 15 წერტილი), კვლავ ხევის გასწვრივ ადის 800 ჰორიზონტალამდე (№ 16 წერტილი) და მიჰყვება ამ ჰორიზონტალს მორიგ ხევამდე (№ 17 წერტილი), შემდეგ ხევის გაყოლებით მიდის 875 ჰორიზონტალამდე (№ 18 წერტილი). აღწევს ამ ჰორიზონტალით ლარტაფამდე მაღალი ძაბვის ელექტროგადამცემი ხაზის გადაკვეთის ადგილში (№ 19 წერტილი), იქიდან მიემართება 1088,5 მდლოზისაკენ (№ 20 წერტილი) და 1062 მდლოზის (№ 21 წერტილი), წყალსაცავის

(№ 22 წერტილი), 1045,1 მალლობის (№ 23 წერტილი) გავლით მიდის ხევთან, ეშვება ხევით შარავასთან თეთრიხევის გადაკვეთამდე (№ 24 წერტილი) და გადაკვეთს რა ჯოჯნახევის დასაწყისის 806,0 ნიშნულზე (№ 25 წერტილი), ეშვება ამ ხევით ზემო სამგორის სარწყავ არხამდე (№ 26 წერტილი), ხოლო შემდეგ არხის გაყოლებით აღწევს ლოჭინოს ხევს (№ 27 წერტილი).

ლოჭინოს ხევით საზღვარი მიემართება ჯერ სამხრეთით, შემდეგ სამხრეთ-დასავლეთით თბილისი-ბაქოს რკინიგზამდე (№ 28 წერტილი), აქედან მიემართება სამხრეთით — ტყეპარკის საზღვრამდე (№ 29 წერტილი) და მისი გაყოლებით — საქართველოს სასწავლო-კვლევითი ზოოტექნიკურ-ვეტერინარული ინსტიტუტის კრწანისის სასწავლო-საჩვენებელი მეურნეობის ტერიტორიის საზღვრამდე (№ 30 წერტილი). გაჰყვება რა მას ჩრდილო-დასავლეთით 450,0 ჰორიზონტალამდე (№ 31 წერტილი), ქალაქის საზღვარი მიემართება ამ ჰორიზონტალით ჩრდილოეთისაკენ და გორაკის ძირში უხვევს ჩრდილო-დასავლეთით ცივი ხევისაკენ (№ 32 წერტილი).

მარნეულის გზატკეცილისაკენ ამ ხევის გაყოლებით ქალაქის საზღვარი ჰკვეთს გზატკეცილს 450,0 ნიშნულზე (№ 33 წერტილი), შემდეგ მიდის ჩრდილოეთით 578,2 მალლობისაკენ (№ 34 წერტილი), საიდანაც უხვევს დასავლეთით 645,2 მალლობისაკენ (№ 35 წერტილი), მიუყვება ზეგნის სამხრეთ კიდეს, ქალაქის ფარგლებში შვენაბადას მონასტრის ჩათვლით, მიდის თელეთის მერქვეობის საბჭოთა მეურნეობის საზღვრამდე (№ 36 წერტილი) და შემდეგ ტაბახმელის ბიოკომპლენატის საზღვრით ორთახევთან 664,0 ნიშნულზე გადაკვეთამდე (№ 37 წერტილი).

ამ ხევის გაყოლებით 881,7 მალლობის (№ 38 წერტილი) გავლით საზღვარი მიდის გიბუთხევამდე (№ 39 წერტილი), შემდეგ 650,0 ჰორიზონტალით მიემართება წყნეთიდან მომავალი ხევის გადაკვეთამდე (№ 40 წერტილი), ადის ამ ხევის ზედა კიდეზე (№ 41 წერტილი) და ღარტაფით გამოდის 783,2 მალლობისაკენ (№ 42 წერტილი).

შემდეგ ქალაქის საზღვარი მიემართება დასავლეთით წყნეთის გზატკეცილის გადაკვეთამდე 851,0 ნიშნულზე (№ 43 წერტილი), უხვევს ჩრდილო-დასავლეთით და აღწევს მდინარე ვერეს გადაკვეთამდე (№ 44 წერტილი), შემდეგ ამ მდინარის გაყოლებით გაივლის წმინდაწყალს (№ 45 წერტილი) და 627,3 მალლობს (№ 46 წერტილი), უხვევს ჩრდილოეთით და მიემართება 784,0 მალლობისაკენ (№ 47 წერტილი), შემდეგ მიდის სოფელ თხინვალთან მაღალი ძაბვის ელექტროგადამცემი ხაზისა და გზის გადაკვეთამდე (№ 48 წერტილი), საიდანაც 760,8 მალლობის (№ 49 წერტილი), 836,0 მალლობის (№ 50 წერტილი) და 701,0 მალლობის (№ 51 წერტილი) გავლით მიდის მდინარე დიღმისწყლის გადაკვეთამდე (№ 52 წერტილი).

ამ წერტილიდან საზღვარი ეშვება მდინარე დიღმისწყლის დინების მიმართულებით საქართველოს სამხედრო გზამდე (№ 53 წერტილი), მიუყვება მას სოფელ დიღმისაკენ მიმავალ გზამდე (№ 54 წერტილი), აღწევს ამ გზის გაყოლებით 452,7 ნიშნულამდე (№ 55 წერტილი), შემდეგ მიემართება ჩრდილოეთით 487,2 ნიშნულისაკენ (№ 56 წერტილი), გაივლის 465,8 მალლობს (№ 57



წერტილი) და, მიღწევს რა 602,0 მალლობს (№ 58 წერტილი), უხვევს (დასაწყისით) ლეთით მილისხევის გადაკვეთამდე (№ 59 წერტილი).

შემდეგ 706,0 მალლობის (№ 60 წერტილი), 702,0 მალლობის (№ 61 წერტილი), 686,0 მალლობის (№ 62 წერტილი) საზღვარი მიდის ხევთან და მისი გაყოლებით უხვევს ხევის განშტოებასთან 905,0 მალლობისაკენ (№ 63 წერტილი), 910,0 მალლობის (№ 64 წერტილი) გავლით მიემართება 775,0 მალლობისაკენ (№ 65 წერტილი), შემდეგ ხევის, მთის ძირის გავლით, რკინიგზის ლიანდაგების გაყოლებით, მდინარე მტკვარზე გამავალი რკინიგზის ხიდიო ქალაქის საზღვარი აღწევს მაღალი ძაბვის ელექტროგადამცემ ხაზამდე, ჰვეთს მას (№ 66 წერტილი) და 652,0 მალლობის (№ 67 წერტილი), 748,0 მალლობის (№ 68 წერტილი) გავლით ურთდება № 1 საწყის წერტილს (746 მალლობი).

საქართველოს სსრ მინისტრთა საბჭოს

საქმეთა მმართველი **ზ. ახვლედიანი.**

87 საქართველოს სსრ მინისტრთა საბჭოს კაპიტალური მშენებ- ლოვის მთავარი სამმართველოს დებულების დამტკიცების შესახებ

საქართველოს სსრ მინისტრთა საბჭო ადგენს:

დამტკიცდეს დებულება საქართველოს სსრ მინისტრთა საბჭოს კაპიტალური მშენებლობის მთავარი სამმართველოს შესახებ.

საქართველოს სსრ მინისტრთა საბჭოს

თავმჯდომარის მოადგილე **ზ. კიკნაძე.**

საქართველოს სსრ მინისტრთა საბჭოს

საქმეთა მმართველი **ზ. ახვლედიანი.**

ქ. თბილისი, 1974 წ. 10 ოქტომბერი, № 558

დამტკიცებულია
 საქართველოს სსრ მინისტრთა საბჭოს
 1974 წლის 10 ოქტომბრის № 558
 დადგენილებით

დ ე ბ უ ლ ე ბ ა

საქართველოს სსრ მინისტრთა საბჭოს კაპიტალური მშენებლობის მთავარი სამმართველოს შესახებ

1. საქართველოს სსრ მინისტრთა საბჭოს კაპიტალური მშენებლობის მთავარი სამმართველო (საქართველოს სსრ მთავარკაპმშენი) არის რესპუბლიკური ორგანო და თავის საქმიანობაში ემორჩილება საქართველოს სსრ მინისტრთა საბჭოს.

2. საქართველოს სსრ მინისტრთა საბჭოს კაპიტალური მშენებლობის მთავარი სამმართველო და მისი საქვეუწყებო ორგანიზაციები, საწარმოები და დაწესებულებები ერთიან სისტემას შეადგენენ.

3. საქართველოს სსრ მინისტრთა საბჭოს კაპიტალური მშენებლობის მთავარი სამმართველოს შენახვის ხარჯები გაიღება ტექნიკური ზედამხედველობისათვის განკუთვნილი ანარიცხებიდან დადგენილი ოდენობით.

4. საქართველოს სსრ მინისტრთა საბჭოს კაპიტალური მშენებლობის მთავარი სამმართველოს ძირითადი ამოცანებია:

— კაპიტალური მშენებლობის საქვეუწყებო სამმართველოთა მუშაობისადმი ხელმძღვანელობის განხორციელება და მათი მუშაობის კოორდინაცია;

— საბინაო, კომუნალური და კულტურულ-საყოფაცხოვრებო დანიშნულების ობიექტების, ადმინისტრაციული შენობა-ნაგებობების, განათლების, ჯანმრთელობის დაცვის, ვაჭრობისა და საზოგადოებრივი კვების ობიექტების მშენებლობის სახელმწიფო კაპიტალურ დაბანდებათა გეგმის შესრულება საქართველოს სსრ ტერიტორიაზე;

— მშენებლობათა უზრუნველყოფა საპროექტო-სახარჯთაღრიცხვო დოკუმენტაციით, მოწყობილობითა და მასალებით;

— ერთიანი პოლიტიკის განხორციელება მშენებლობაში;

— კონტროლი მშენებლობის ხარისხისადმი და მისი ღირებულების შემცირების შესაძლებლობათა გამონახვა;

— კაპიტალურ დაბანდებათა ეფექტიანობის ამაღლება.

5. საქართველოს სსრ მინისტრთა საბჭოს კაპიტალური მშენებლობის მთავარი სამმართველო თავის საქმიანობაში ხელმძღვანელობს სსრ კავშირისა და საქართველოს სსრ კანონებით, საქართველოს სსრ უმაღლესი საბჭოს პრეზიდიუმის ბრძანებულებებით, სსრ კავშირის მთავრობისა და საქართველოს სსრ მთავრობის დადგენილებებითა და განკარგულებებით, ამ დებულებით და უზრუნველყოფს მოქმედი კანონმდებლობის სწორად გამოყენებას საქართველოს სსრ მთავარკაპმშენის საქვეუწყებო ორგანიზაციებში, დაწესებულებებსა და საწარმოებში.

6. საქართველოს სსრ მინისტრთა საბჭოს კაპიტალური მშენებლობის მთავარი სამმართველო მისთვის დაკისრებული ამოცანების შესაბამისად ასრულებს



საქართველოს სსრ რესპუბლიკაში საცხოვრებელი სახლების, ადმინისტრაციული, კომუნალური, კულტურულ-საყოფაცხოვრებო შენობებისა და ნაგებობების, აგრეთვე განათლების, ჯანმრთელობის დაცვის, ვაჭრობისა და საზოგადოებრივი კვების ობიექტების მშენებლობის ერთიანი შემკვეთის (ტიტულმფლობელის) ფუნქციებს, რისთვისაც:

ა) მონაწილეობას მიიღებს საქართველოს სსრ სამინისტროებისა და უწყებების, აფხაზეთის ასსრ და აჭარის ასსრ მინისტრთა საბჭოების, სამხრეთ ოსეთის ავტონომიური ოლქის, ქ. თბილისისა და ქუთაისის მშრომელთა დებუტატების საბჭოების აღმასკომების მიერ კაპიტალურ დაბანდებათა წლიური გეგმების შემუშავებაში და სატიტულო სიების შედგენაში ამ დებულების მე-4 და მე-6 პუნქტებში აღნიშნული დარგების მიხედვით.

საქართველოს სსრ მინისტრთა საბჭოს მიერ სამინისტროებისა და უწყებებისათვის დაწესებული კაპიტალური დაბანდებაების, ძირითადი ფონდებისა და სიმძლავრეების საექსპლუატაციოდ გადაცემის გეგმები ამავე დროს აღნიშნული მაჩვენებლების მიხედვით უმტკიცდება საქართველოს სსრ მინისტრთა საბჭოს კაპიტალური მშენებლობის მთავარ სამმართველოს ამ სამინისტროებისა და უწყებების მიერ გადაცემული მოცულობით.

საქართველოს სსრ მინისტრთა საბჭოს კაპიტალური მშენებლობის მთავარი სამმართველო და მისი საქვეუწყებო კაპიტალური მშენებლობის სამმართველოები წარადგენენ ყოველთვიურ, კვარტალურ და წლიურ ანგარიშებს სტატისტიკური ანგარიშების დაწესებული ფორმების მიხედვით.

მომავალი წლების მშენებლობებისათვის საპროექტო-საძიებო სამუშაოთა სატიტულო სიების შედგენისას საქართველოს სსრ მთავარკაპშენი ხელმძღვანელობს აფხაზეთის ასსრ და აჭარის ასსრ მინისტრთა საბჭოებისაგან, სამხრეთ ოსეთის ავტონომიური ოლქის, ქ. თბილისისა და ქუთაისის მშრომელთა დებუტატების საბჭოების აღმასკომებისაგან და დარგობრივი სამინისტროებისა და უწყებებისაგან მიღებულ ობიექტთა ნუსხებით, სადაც აღნიშნულია მათი სიმძლავრე და სავარაუდო ღირებულება:

ბ) აღძრავს დადგენილი წესით საკითხებს მშენებლობისათვის მიწის ნაკვეთების გამოყოფის შესახებ, განახორციელებს საჭიროების კვალობაზე კონკრეტულ ღონისძიებებს არსებული ნაგებობებისაგან მათი განთავსუფლებისათვის;

გ) მიიღებს სახელმწიფო საარქიტექტურო-სამშენებლო კონტროლის ორგანოებისაგან ნებართვას ობიექტების მშენებლობისათვის;

დ) გასცემს დაპროექტების დავალებებს (მსხვილი და რთული ობიექტებისათვის კი — ტექნიკურ-ეკონომიურ დასაბუთებათა დამუშავების დავალებებს), შეათანხმებს ხელშეკრულებებს საპროექტო-საძიებო სამუშაოთა შესასრულებლად, განახორციელებს მათ დაფინანსებასა და მიღებას;

ე) განიხილავს მიღებულ ტექნიკურ დოკუმენტაციას, განახორციელებს დადგენილი წესით ექსპერტიზას და საიჯარო ორგანიზაციასთან შეთანხმების შემდეგ დაამტკიცებს ტექნიკურ (ტექნიკურ-სამუშაო) პროექტებს მოქმედი დებულების შესაბამისად;



ვ) დადებს საიჯარო ხელშეკრულებებს კაპიტალური მშენებლობის ბაზზე, აგრეთვე საპროექტო ორგანიზაციების მიერ საავტორო ზედამხედველობის განხორციელების თაობაზე და დააფინანსებს აღნიშნულ სამუშაოებს;

ზ) განახორციელებს ტექნიკურ ზედამხედველობას მშენებლობისადმი, მიიღებს მოიჯარისაგან მშენებლობადამთავრებულ ობიექტებს და წარუდგენს მათ საექსპლუატაციოდ მისაღებად სახელმწიფო მიმღებ კომისიებს;

თ) განახორციელებს კონტროლს კაპიტალურ დაბანდებათა გეგმების შესრულებისა და სიმძლავრეთა და ძირითადი ფორმების ამოქმედებისადმი;

ი) დადებს საპროექტო ორგანიზაციებთან ხელშეკრულებებს ასამუშავებელი კომპლექსების დოკუმენტაციის შესადგენად, უფლება აქვს მოსთხოვოს საიჯარო სამშენებლო ორგანიზაციებს წარუდგინონ მასალები სამუშაოთა მიმდინარეობის შესახებ და ღონისძიებანი, რომლებიც მიზნად ისახევენ ობიექტების საექსპლუატაციოდ გადაცემის დაჩქარებასა და მათი მშენებლობის ხარისხის გაუმჯობესებას;

კ) გახსნის ბანკებში დადგენილი წესით ანგარიშებს კაპიტალურ დაბანდებათა დასაფინანსებლად, მიმდინარე და საანგარიშსწორებო ანგარიშებს გამოყოფილი სახსრების შესანახად და განაგებს ამ სახსრებს;

ლ) ვადააწილებს საჭირო შემთხვევებში საქართველოს სსრ სამინისტროებთან, უწყებებთან და სახელმწიფო საგეგმო კომიტეტთან შეთანხმებით კაპიტალურ დაბანდებათა დაფინანსებას წლიური გეგმებისა და სიმძლავრეთა და ძირითადი ფონდების ამოქმედების მოცულობის შეუმცირებლად, სამინისტროებისა და უწყებებისათვის მათი დარგების განსავითარებლად გამოყოფილი სახსრების ფარგლებში;

მ) მიიწვევს სპეციალისტებს პროექტებისა და ხარჯთაღრიცხვების ექსპერტიზაში მონაწილეობისათვის ან მშენებარე ობიექტების ტექნიკური მდგომარეობის გამო დასკვნების მისაღებად, აგრეთვე სხვა საჭირო შემთხვევებში;

ნ) უხელმძღვანელებს საქვეუწყებო ორგანიზაციათა ფინანსურ საქმიანობას, მოაწყოებს და კონტროლს გაუწევს საბუღალტრო და სტატისტიკური აღრიცხვა-ანგარიშგების დაყენებას, განიხილავს და დაამტკიცებს ანგარიშებსა და ბალანსებს, შეადგენს პერიოდულ წლიურ კრებებით საბუღალტრო ანგარიშებსა და ბალანსებს, აგრეთვე განახორციელებს ფინანსურ კონტროლს და მოაწყოებს საქვეუწყებო ორგანიზაციათა რევიზიებს, განახორციელებს პირველადი დოკუმენტაციისა და პირველადი აღრიცხვის შემდგომი სრულყოფის, მანქანური აღრიცხვის დანერგვის ღონისძიებებს;

ო) მოახდენს შემკვეთის მიწოდების მოწყობილობისა და მასალების ფონდების რეალიზაციას, აგრეთვე წარუდგენს მათი მოთხოვნილების განაცხად-გაანგარიშებას საქართველოს სსრ სახელმწიფო საგეგმო კომიტეტსა და საქართველოს სსრ მთავარ მომარაგებას;

პ) დადებს სპეციალიზებულ ორგანიზაციებთან ხელშეკრულებებს გასაშვებ-გასაწყო სამუშაოთა საწარმოებლად დაინტერესებული სამინისტროებისა და უწყებების მიერ გაღებული საექსპლუატაციო ხარჯებით;

ჟ) განახორციელებს დადგენილი წესით ხელმძღვანელ და ინჟინერ-ტექნიკურ მუშაკთა შერჩევასა და განაწილებას, მოაწყოებს სპეციალისტთა მომზადე-



ბასა და კვალიფიკაციის ამოღებას, კონტროლს გაუწევს ამ საქმეს საკავშირეო ბოროტგანიზაციებსა და საწარმოებში;

რ) განახორციელებს კონტროლს შრომის კანონმდებლობის დაცვისადმი, შრომის დისციპლინის განმტკიცებისა და შრომის დაცვის, უსაფრთხოების ტექნიკისა და საწარმოო სანიტარიის გაუმჯობესების ღონისძიებათა შესრულებისადმი;

ს) წარადგენს დადგენილი წესით თავისი სისტემის მოწინავე მუშებს, ინჟინერ-ტექნიკურ მუშაკებსა და მოსამსახურეებს საპატიო წოდებათა მისანიჭებლად, მთავრობისა და საუწყებო ჯილდოების მისაკუთვნებლად, დააჯილდოებს მათ საქართველოს სსრ მინისტრთა საბჭოს კაპიტალური მშენებლობის მთავარი სამმართველოს, მშენებლობისა და საშენ მასალათა მრეწველობის მუშათა პროფკავშირის რესპუბლიკური კომიტეტის საპატიო სიგელებით და გამოიყენებს წახალისების სხვა ფორმებს;

ტ) განახორციელებს კონტროლს სოციალისტური საკუთრების დაცვისადმი.

8. საქართველოს სსრ მინისტრთა საბჭოს კაპიტალური მშენებლობის მთავარი სამმართველოს ეკისრება საიჯარო სამშენებლო ორგანიზაციების თანაბრად პასუხისმგებლობა კაპიტალური მშენებლობის გეგმის შესრულებისათვის და საპროექტო ორგანიზაციების თანაბრად — იმისათვის, რომ ობიექტის ტექნიკურ-ეკონომიური მაჩვენებლები შეესაბამებოდნენ სახალხო მეურნეობის განვითარების გეგმით გათვალისწინებულ მაჩვენებლებს.

9. საქართველოს სსრ მინისტრთა საბჭოს კაპიტალური მშენებლობის მთავარი სამმართველოს სათავეში უდგას სამმართველოს უფროსი, რომელსაც ნიშნავს საქართველოს სსრ უმაღლესი საბჭოს პრეზიდიუმი.

საქართველოს სსრ მინისტრთა საბჭოს კაპიტალური მშენებლობის მთავარი სამმართველოს უფროსს ჰყავს მოადგილეები, რომლებსაც ნიშნავს საქართველოს სსრ მინისტრთა საბჭო.

მოვალეობებს მოადგილეთა შორის ანაწილებს საქართველოს სსრ მინისტრთა საბჭოს კაპიტალური მშენებლობის მთავარი სამმართველოს უფროსი.

10. საქართველოს სსრ მინისტრთა საბჭოს კაპიტალური მშენებლობის მთავარი სამმართველო დროულად და ყურადღებით განიხილავს მოქალაქეთა წერილებს (საჩივრებს, განცხადებებს), უზრუნველყოფს მათში აღძრული საკითხების სწორად გადაჭრას, ავრთვევ მიიღებს ზომებს საქართველოს სსრ მინისტრთა საბჭოს კაპიტალური მშენებლობის მთავარი სამმართველოს საწარმოებისა და ორგანიზაციების მუშაობაში არსებული იმ ნაკლოვანებების აღმოსაფხვრელად, რომლებიც აღნიშნულია მიღებულ წერილებში.

11. საქართველოს სსრ მინისტრთა საბჭოს კაპიტალური მშენებლობის მთავარი სამმართველოს უფროსი:

ა) გამოსცემს თავისი კომპეტენციის ფარგლებში სსრ კავშირისა და საქართველოს სსრ მოქმედ კანონთა, ავრთვევ სსრ კავშირის მინისტრთა საბჭოსა და საქართველოს სსრ მინისტრთა საბჭოს დადგენილებათა და განკარგულებათა საფუძველზე და შესასრულებლად ბრძანებებსა და ინსტრუქციებს და გას-

ცემს მითითებებს, რომლებიც სავალდებულოა შესასრულებლად საქართველოს სსრ მინისტრთა საბჭოს კაპიტალური მშენებლობის მთავარი სამმართველოს სისტემის ორგანიზაციების, დაწესებულებებისა და საწარმოებისათვის, და შეამოწმებს მათს შესრულებას;

ბ) პერსონალურად აგებს პასუხს საქართველოს სსრ მინისტრთა საბჭოს კაპიტალური მშენებლობის მთავარი სამმართველოსათვის დაკისრებული ამოცანებისა და ფუნქციების შესრულებისათვის, დაწესებს თავის მოადგილეთა პასუხისმგებლობას;

გ) უხელმძღვანელებს საქართველოს სსრ მინისტრთა საბჭოს კაპიტალური მშენებლობის მთავარი სამმართველოს საქმიანობას, დანიშნავს და გაათავისუფლებს ცენტრალური აპარატის მუშაკებს და საქვეუწყებო ორგანიზაციათა, დაწესებულებათა, საწარმოთა მუშაკებს დადგენილი ნომენკლატურის შესაბამისად შრომის კანონმდებლობის წესების დაცვით;

დ) შეიტანს დადგენილი წესით საქართველოს სსრ მინისტრთა საბჭოს განსახილველად საკანონმდებლო აქტებისა და დადგენილებების პროექტებს საქართველოს სსრ მინისტრთა საბჭოს კაპიტალური მშენებლობის მთავარი სამმართველოსა და მისი ქვედანაყოფების მუშაობასთან დაკავშირებულ საკითხებზე;

ე) დაამტკიცებს დებულებებს საქართველოს სსრ მინისტრთა საბჭოს კაპიტალური მშენებლობის მთავარი სამმართველოს სამმართველოთა და განყოფილებათა შესახებ;

ვ) შეიტანს ცვლილებებს საქართველოს სსრ მინისტრთა საბჭოს კაპიტალური მშენებლობის მთავარი სამმართველოს ცენტრალური აპარატისა და მისი ქვედანაყოფების სტრუქტურასა და საშტატო განრიგში დადგენილი წესით;

ზ) დაუნიშნავს პერსონალურ განაკვეთებს ცენტრალური აპარატისა და მისი ქვედანაყოფების მუშაკებს;

თ) გააუქმებს საქვეუწყებო ორგანიზაციების, დაწესებულებებისა და საწარმოების ხელმძღვანელთა ბრძანებებს, ინსტრუქციებსა და მითითებებს, რომლებიც გამოცემულია სსრ კავშირისა და საქართველოს სსრ მოქმედი კანონმდებლობისა და სხვა ნორმატიულ-სამართლებრივი აქტების დარღვევით.

12. საქართველოს სსრ მინისტრთა საბჭოს კაპიტალური მშენებლობის მთავარ სამმართველოში იქმნება კოლეგია შემდეგი შემადგენლობით: მთავარი სამმართველოს უფროსი (კოლეგიის თავმჯდომარე), უფროსის მოადგილეები თანამდებობის მიხედვით, აგრეთვე სხვა ხელმძღვანელი მუშაკები.

კოლეგიის წევრებს ამტკიცებს საქართველოს სსრ მინისტრთა საბჭო დადგენილი წესით.

13. საქართველოს სსრ მინისტრთა საბჭოს კაპიტალური მშენებლობის მთავარი სამმართველოს კოლეგია თავის სხდომებზე მოისმენს და განიხილავს:

— კაპიტალურ დაბანდებათა უკეთ გამოყენების, წარმოებისა და საკომპლექტებელი ბაზების განვითარების, საქვეუწყებო ორგანიზაციებისადმი პრაქტიკული ხელმძღვანელობის, მიღებულ გადაწყვეტილებათა შესრულების შეამოწმების, კადრების შერჩევისა და გამოყენების საკითხებს;

— მშენებლობის მიმდინარეობასთან და მის ხარისხთან დაკავშირებული კითხვებს;

— უმნიშვნელოვანეს ბრძანებათა, ინსტრუქციათა და სხვა დოკუმენტთა პროექტებს;

— საქვეუწყებო ორგანიზაციების ხელმძღვანელთა მოხსენებებს, სამმართველოებისა და განყოფილებების უფროსთა ანგარიშებს.

კოლეგიის გადაწყვეტილებანი ხორციელდება საქართველოს სსრ მინისტრთა საბჭოს კაპიტალური მშენებლობის მთავარი სამმართველოს უფროსის ბრძანებებით.

14. მთავარი სამმართველოს უფროსსა და კოლეგიის წევრთა შორის უთანხმოების წამოჭრის შემთხვევაში სამმართველოს უფროსი ახორციელებს თავის გადაწყვეტილებას, რის შესახებაც მოახსენებს საქართველოს სსრ მინისტრთა საბჭოს, ხოლო კოლეგიის წევრებს, თავის მხრივ, შეუძლიათ აცნობონ აგრეთვე თავიანთი აზრი საქართველოს სსრ მინისტრთა საბჭოს.

15. საქართველოს სსრ მინისტრთა საბჭოს კაპიტალური მშენებლობის მთავარი სამმართველოს ცენტრალური აპარატის სტრუქტურასა და რიცხოვნობას განსაზღვრავს საქართველოს სსრ მინისტრთა საბჭო.

16. საქართველოს სსრ მინისტრთა საბჭოს კაპიტალური მშენებლობის მთავარ სამმართველოს აქვს ბეჭედი, რომელზეც გამოსახულია საქართველოს სსრ სახელმწიფო გერბი და აღნიშნულია მისი სახელწოდება.

88 სასოფლო და სადაბო საზოგადოების ტერიტორიაზე მოქმედი ავტოკლუზების, ავტობიბლიოთეკების, სახალხო თვითმომსახურების კულტურული მომსახურების საქმეში, სახალხო თვითმომსახურებისა და კოლექტივების უბატონო მუშაკების უფასო კომუნალური მომსახურების შესახებ

აღინიშნოს, რომ ავტოკლუზები, ავტობიბლიოთეკები, სახალხო თვითმომსახურების თეატრები და კოლექტივები მნიშვნელოვან როლს ასრულებენ სოფლის მოსახლეობის კულტურული მომსახურების საქმეში. ამ დაწესებულებების შტატის მუშაკები არ სარგებლობენ კომუნალური მომსახურების შეღავათებით. რის გამოც ხშირია კადრების დენადობა და ფერხდება მათი დაკომპლექტება კვალიფიციური მუშაკებით.

ავტოკლუზების, ავტობიბლიოთეკების, სახალხო თვითმომსახურებისა და კოლექტივების შტატის მუშაკთა მუშაობის პირობების გაუმჯობესების მიზნით საქართველოს სსრ მინისტრთა საბჭო ა დ გ ე ნ ს:

1. გავრცელდეს საქართველოს სსრ მინისტრთა საბჭოს 1969 წლის 17 თებერვლის № 80 დადგენილება უფასო კომუნალური მომსახურების შესახებ სასოფლო და სადაბო საბჭოების ტერიტორიაზე მოქმედი ავტოკლუზების, ავტობიბლიოთეკების, სახალხო თეატრებისა და კოლექტივების შტატის ყველა მუშაკზე.

2. მშრომელთა დებუტატების საქალაქო და რაიონული საბჭოების აღმასკომებმა 1975 წლის 1 იანვრიდან გაითვალისწინონ ადგილობრივ ბიუჯეტებში ამ დანიშნულებისათვის საჭირო თანხები.

საქართველოს სსრ მინისტრთა საბჭოს
 თავმჯდომარის მოადგილე **ზ. კიკნაძე.**

საქართველოს სსრ მინისტრთა საბჭოს
 საქმეთა მმართველი **ზ. ახვლედიანი.**

ქ. თბილისი, 1974 წ. 18 ოქტომბერი, № 564

89 მოსწავლეთა ურომითი სწავლებისა და პროფესიული ორიენტაციის სასკოლათშორისო სასწავლო-საწარმოო კომპინატივის ორგანიზაციის შესახებ

საშუალო ზოგადსაგანმანათლებლო სკოლების IX-X კლასების მოსწავლეთა შრომისა და პროფესიის არჩევისათვის მომზადების გაუმჯობესების მიზნით და სსრ კავშირის მინისტრთა საბჭოს 1974 წლის 23 აგვისტოს № 662 დადგენილების შესაბამისად საქართველოს სსრ მინისტრთა საბჭო ა დ გ ე ნ ს:

1. ნება დაერთოს მშრომელთა დებუტატების საქალაქო და რაიონული საბჭოების აღმასრულებელ კომიტეტებს საქართველოს სსრ განათლების სამინისტროსთან შეთანხმებით, სათანადო პირობების არსებობისას, სამრეწველო და სასოფლო-სამეურნეო საწარმოების, სახელმწიფო და კოოპერაციული ორგანი-



ზაციების მონაწილეობით შექმნან შრომითი სწავლებისა და პროფესიული ინტეგრაციის სასკოლათაშორისო სასწავლო-საწარმოო კომბინატები საზოგადოებასთან დაკავშირებული სკოლების IX-X კლასების მოსწავლეთათვის.

სასკოლათაშორისო სასწავლო-საწარმოო კომბინატების ძირითად ამოცანებს შეადგენს: მოსწავლეთათვის საწარმოებში შრომითი პროცესებისა და მუშების შრომის შინაარსის გაცნობა, მოსწავლეთა პროფესიული ორიენტაციის განხორციელება მათ მიერ პროფესიის შეგნებულად არჩევის მიზნით, შერჩეულ პროფესიაში მოსწავლეთათვის შრომის თავდაპირველი ჩვევების გამოუმუშავება. სასკოლათაშორისო სასწავლო-საწარმოო კომბინატები წარმოადგენენ პროფესიული ორიენტაციის მუშაობის ცენტრებს რაიონის (ქალაქის) სკოლების მოსწავლეთა და მათ მშობლებს შორის.

სასკოლათაშორისო სასწავლო-საწარმოო კომბინატებში მოსწავლეთა შრომითი სწავლების პროფილები განისაზღვრება მუშათა კადრებზე ადგილობრივი მოთხოვნებისა და არსებული საწარმოო ბაზის გათვალისწინებით.

2. დაევალოთ აფხაზეთის ასსრ და აჭარის ასსრ მინისტრთა საბჭოებს, სამხრეთ ოსეთის ავტონომიური ოლქის, რესპუბლიკის ქალაქებისა და რაიონების მშრომელთა დეპუტატების საბჭოების აღმასრულებელ კომიტეტებს მიმდინარე წლის 30 დეკემბრამდე დაადგინონ მათ სამოქმედო ტერიტორიაზე მოსწავლეთა შრომითი სწავლებისა და პროფესიული ორიენტაციის სასკოლათაშორისო სასწავლო-საწარმოო კომბინატების შექმნის შესაძლებლობა, გამოყონ კომბინატებისათვის შესაფერისი შენობები ან მიწის ფართობები მათ ასაგებად, კომბინატების აგებასა და კეთილმოწყობაში წილობრივი მონაწილეობა მიიღებინონ ახლომდებარე რამდენიმე მსხვილ საწარმოსა და ორგანიზაციას კოოპერირების წესით და ამის შესახებ აცნობონ საქართველოს სსრ განათლების სამინისტროს.

3. დაევალოთ ჯანმრთელობის დაცვის ადგილობრივ ორგანოებს უზრუნველყონ IX-X კლასების მოსწავლეთა ღრმა სამედიცინო შემოწმება ჯანმრთელობის მდგომარეობის მიხედვით არჩეული პროფესიისათვის მათი ვარგისიანობის განსაზღვრის მიზნით.

4. მიღებულ იქნეს მხედველობაში, რომ სსრ კავშირის მინისტრთა საბჭოს 1974 წლის 23 აგვისტოს № 662 დადგენილებით:

ა) სასკოლათაშორისო სასწავლო-საწარმოო კომბინატები იმყოფებიან სახალხო განათლების ორგანოების გამგებლობაში;

ბ) სასკოლათაშორისო სასწავლო-საწარმოო კომბინატების მმართველობის აპარატისა და მომსახურე პერსონალის შენახვა და პედაგოგიური მუშაკების შრომის ანაზღაურება, აგრეთვე ავეჯის, სამეურნეო მოწყობილობის შექმნისა და ამ კომბინატების კაპიტალური რემონტის ხარჯების დაფარვა წარმოებს იმ თანხებით, რომლებსაც მშრომელთა დეპუტატების ადგილობრივი საბჭოების აღმასკომები გამოყოფენ სახალხო განათლებისათვის;

გ) ნება დაერთო საწარმოთა და ორგანიზაციათა ხელმძღვანელებს სასკოლათაშორისო სასწავლო-საწარმოო კომბინატებში შექმნან და აღჭურვონ სასწავლო საამქროები, უბნები, კაბინეტები, ლაბორატორიები როგორც ამ საწარმოებისა და ორგანიზაციების სტრუქტურული ქვედანაყოფები, გამოყონ მოს-

წავლეთა სწავლებისა და შრომის ორგანიზაციისათვის კვალიფიციური მუშები და ინჟინერ-ტექნიკური მუშაკები;

დ) მოსწავლეთა შრომით სწავლებაში გამოყენებული კვალიფიციური მუშებისა და ინჟინერ-ტექნიკური მუშაკების შენახვის, შესაქმნელი სასწავლო სამკროების, უბნების, კაბინეტების, ლაბორატორიების სამეურნეო მომსახურების ხარჯები დაიფარება შესაბამისი საწარმოებისა და ორგანიზაციების თანხებიდან, მათ შორის იმ ასიგნებებიდან, რომლებიც მათთვის გამოყოფილია კადრების მოსამზადებლად.

აღნიშნული მუშებისა და ინჟინერ-ტექნიკური მუშაკების მიერ მოსწავლეთა პრაქტიკული სწავლებისათვის გაწეული შრომის ანაზღაურება, აგრეთვე სასკოლათაშორისო სასწავლო-საწარმოო კომბინატში მოსწავლეთა შრომის ანაზღაურება წარმოებს სსრ კავშირის მინისტრთა საბჭოს 1959 წლის 10 დეკემბრის № 1369 დადგენილების შესაბამისად;

ე) გავრცელდეს სასკოლათაშორისო სასწავლო-საწარმოო კომბინატების მომუშავეებზე:

პედაგოგიურ მუშაკებზე:

ხელფასის განაკვეთები და შრომის ანაზღაურების სხვა პირობები, აგრეთვე ყოველწლიური შვებულების ხანგრძლივობა და პენსიის უზრუნველყოფის წესი, რომელიც ზოგადსაგანმანათლებლო სკოლების მასწავლებლებისათვის არის გათვალისწინებული;

საწარმოებში, დაწესებულებებსა და ორგანიზაციებში სპეციალობის მიხედვით მათი მუშაობის პედაგოგიურ სტაჟში ჩათვლის წესი, რომელიც გათვალისწინებულია ზოგადსაგანმანათლებლო სკოლების შრომის მასწავლებლებისათვის.

ხელმძღვანელ და სხვა მუშაკებზე (გარდა პედაგოგიურისა):

თანამდებობრივი ხელფასები, რომლებიც გათვალისწინებულია პროფესიულ-ტექნიკური განათლების სასწავლო დაწესებულებების ანალოგიური კატეგორიის მუშაკებისათვის, სადაც გათვალისწინებულია მუშების მომზადება მანქანათმშენებელი და ლითონდამამუშავებელი მრეწველობისათვის. მოსწავლეთა კონტინგენტის განსაზღვრისას ხელმძღვანელი მუშაკების თანამდებობრივი ხელფასების დადგენისათვის გამოიყენება კოეფიციენტი 0,25.

პედაგოგიური მუშაობის წესი (არა უმეტეს ორი საათისა დღეში), ყოველწლიური შვებულებების ხანგრძლივობა და პენსიით უზრუნველყოფის წესი, რომლებიც გათვალისწინებულია პროფესიულ-ტექნიკური განათლების სასწავლო დაწესებულებების ანალოგიური კატეგორიის მუშაკთათვის.

საქართველოს სსრ მინისტრთა საბჭოს

თავმჯდომარის მოადგილე **შ. კიკნაძე.**

საქართველოს სსრ მინისტრთა საბჭოს

საქმეთა მმართველი **ზ. ახვლედიანი.**



90 „საქართველოს სსრ ქალაქებისა და რაიონების მოსახლეობის სავაჭრო მომსახურებაში პარალელური კარაღელიზმის ლიკვიდაციის ღონისძიებათა შესახებ“ საქართველოს სსრ მინისტრთა საბჭოს 1973 წლის 30 ნოემბრის № 693 დადგენილების ნაწილობრივ შეცვლის თაობაზე

„საქართველოს სსრ ქალაქებისა და რაიონების მოსახლეობის სავაჭრო მომსახურებაში პარალელური ლიკვიდაციის ღონისძიებათა შესახებ“ საქართველოს სსრ მინისტრთა საბჭოს 1973 წლის 30 ნოემბრის № 693 დადგენილების ნაწილობრივ შესაცვლელად საქართველოს სსრ მინისტრთა საბჭო ადგენს:

1. აღნიშნული დადგენილების 1-ლი პუნქტი ჩამოყალიბდეს შემდეგი რედაქციით:

„ცეკავშირის გამგეობამ გადასცეს საქართველოს სსრ ვაჭრობის სამინისტროს, საქართველოს ქვანახშირის კომბინატის მუშათა მომარაგების სამმართველოსა და ჭიათურის მარგანეცის ტრესტის მუშათა მომარაგების განყოფილებას საცალო ვაჭრობისა და საზოგადოებრივი კვების შემდეგი ობიექტები:

ყველა საწარმო ქ. სოხუმში, ბათუმსა და ცხინვალში, აგრეთვე კურორტ ბიჭვინთაში, მეთევზეთა კოოპერაციის ვაჭრობისა და საზოგადოებრივი კვების საწარმოების გარდა;

ყველა საწარმო ქ. გაგრაში, გორსა და ზუგდიდში, ამასთან შეუნარჩუნდეს ცეკავშირის ყოველ ამ ქალაქში თითო უნივერსალური (რაიონული) უფილიალო;

საწარმოები ქ. ტყიბულში, ჭიათურაში, ბორჯომში, ხაშურში, ახალციხეში, გუდაუთაში, ზესტაფონში, ქობულეთში, მახარაძეში, ოჩამჩირეში, სამტრედიასში, თელავში, წყალტუბოსა და ცხაკაიაში, გარდა უნივერსალებისა (რაიონებისა), სამეურნეო საქონლის მაღაზიებისა და კულტსაქონლის მაღაზიებისა უფილიალბოდ.

გადაცემას არ ექვემდებარება კოოპერაციული ვაჭრობის ობიექტები, რომლებიც სოფლის მეურნეობის პროდუქტებს ჰყიდიან“.

2. აღნიშნული დადგენილების მე-2 პუნქტი ჩამოყალიბდეს შემდეგი რედაქციით:

„გადაეცეს ცეკავშირის სისტემას სახელმწიფო ვაჭრობის მთელი სავაჭრო ქსელი სამომხმარებლო კოოპერაციის მოქმედების ზონაში განლაგებულ რაიონულ ცენტრებში და ადგილობრივი მნიშვნელობის კურორტებზე, გარდა მუშათა მომარაგების სამმართველოთა და განყოფილებათა ვაჭრობისა და საზოგადოებრივი კვების საწარმოებისა, აგრეთვე საქართველოს საგზაო რესტორანებისა და ბუფეტების ტრესტის ობიექტებისა, რომლებიც განლაგებულია მათი მოქმედების ზონაში“.

3. ვაჭრობისა და საზოგადოებრივი კვების საწარმოთა მიღება-გადაცემის განხორციელებას დადგენილი წესით 1974 წლის 1 ოქტომბრის მდგომარეობით.

საქართველოს სსრ მინისტრთა საბჭოს
თავმჯდომარის მოადგილე **ზ. კიკნაძე.**

საქართველოს სსრ მინისტრთა საბჭოს
საქმეთა მმართველი **ზ. ახვლედიანი.**

ქ. თბილისი, 1974 წ. 26 ოქტომბერი, № 572

91. ხანძარში მშრალი ამინდის გამო ხანძრის გაჩენისაგან ტყეების დაცვის გადაუდებელ ღონისძიებათა შესახებ

საქართველოს სსრ მინისტრთა საბჭო აღნიშნავს, რომ მშრალმა ამინდებმა რესპუბლიკის ტყეებში შექმნეს ხანძარსაშიში ვითარება. არ სრულდება საქართველოს სსრ მინისტრთა საბჭოს 1973 წლის 31 მაისის № 362 დადგენილება „ხანძრისაგან საქართველოს ტყეების დაცვის ღონისძიებათა შემდგომი გაძლიერების შესახებ“. ამის შედეგად ამ უკანასკნელ დღეებში ტყის ხანძრები გაჩნდა ბაკურიანში, ორჯონიკიძეში, ხაშურში, კასპში, ჭიათურაში, ჯავასა და მთელ რიგ სხვა რაიონებში. მართალია, რაიონების პარტიული, საბჭოთა და კომკავშირული ორგანიზაციების, სატყეო და აღმინისტრაციული ორგანოების მიერ მიღებული ზომებისა და მოსახლეობის უაღრესად დიდი და აქტიური მონაწილეობის შედეგად, ტყის ხანძრები თავის დროზე, დიდი ზარალის მოუტანლად იქნა ლიკვიდირებული, მაგრამ ამასთანავე საქართველოს სსრ მინისტრთა საბჭოს მიანჩნია, რომ ხანძარსაშიში მდგომარეობა რესპუბლიკის ტყეებში კვლავ შემამფოთლებელია.

საქართველოს სსრ მინისტრთა საბჭო ა დ გ ე ნ ს:

1. ხანძრისაგან ტყეების დაცვა მიჩნეულ იქნეს გადაუდებელ, პირველი რიგის ამოცანად და დაევალოს აფხაზეთის ასსრ და აჭარის ასსრ მინისტრთა საბჭოებს, სამხრეთ ოსეთის ავტონომიური ოლქის, რესპუბლიკის ქალაქებისა და რაიონების მშრომელთა დეპუტატების საბჭოების აღმასკომებს:

ა) დაუყოვნებლივ უზრუნველყონ ხანძრისაგან ტყეების დაცვა, დასახონ და განახორციელონ ღონისძიებათა კომპლექსი, რომელიც უზრუნველყოფს ხანძარსაწინააღმდეგო ბრძოლის განუხრელად გატარებას;

ბ) საჭიროების შემთხვევაში შეზღუდონ ტყის მასივების გარკვეულ მონაკვეთებში მწყემსების, ტურისტების, მუშებისა და დამსვენებლების სიარული, ფართოდ გაშალონ ხანძარსაწინააღმდეგო სააგიტაციო მასობრივი მუშაობა მოსახლეობაში, ტყის მუშაკთა, დამსვენებელთა, ექსკურსანტთა და ტურისტთა შორის;

გ) ტყის დაცვის მუშაკთა, მილიციის მუშაკთა, სამოქალაქო თავდაცვის შტაბების მეშვეობით გააძლიერონ მეთვალყურეობა ტყეების ხანძარსაშიშ

უბნებისადმი, დააწესონ მკაცრი კონტროლი ტყეებში სახანძრო უშიშროების წესების შესრულებისადმი, ტყის ხანძრის გაჩენის შემთხვევაში ჩააბან მოსახლეობა და ორგანიზაციები ხანძრის ლოკალიზაციისა და ჩაქრობის საქმეში. ამის უზრუნველსაყოფად გამოიყენონ კოლმეურნეობების, საწარმოების, ორგანიზაციებისა და დაწესებულებების სატრანსპორტო საშუალებები და ტექნიკა.

2. დაევალოს საქართველოს სსრ მინისტრთა საბჭოს სატყეო მეურნეობის სახელმწიფო კომიტეტს, საქართველოს სსრ ხე-ტყისა და ხის დამამუშავებელი მრეწველობის სამინისტროს, საქართველოს სსრ მინისტრთა საბჭოს ნაკრძალებისა და სამონადირეო მეურნეობის მთავარ ს. მმართველოს, სატყეო მეურნეობებს, კოლმეურნეობათა თავმჯდომარეებსა და საბჭოთა მეურნეობების ღირეკტორებს გვალვის მთელ პერიოდში ტყის ხანძარსაშიშ უბნებში შემოიღონ თანამშრომელთა სადღეღამისო შემოვლა, გააძლიერონ მოსახლეობის, სკოლების, ტყეში მომუშავე მუშების, მწყემსებისა და დამსვენებლების მიმართ მომთხოვნელობა ტყეებში ხანძარსაწინააღმდეგო ბრძოლის პროფილაქტიკური ღონისძიებების შესრულებისათვის და წესების დარღვევის შემთხვევებში მიიღონ მკაცრი ზომები.

3. დაევალოს საქართველოს სსრ მინისტრთა საბჭოს ტელევიზიისა და რადიომაუწყებლობის სახელმწიფო კომიტეტს, რესპუბლიკური და რაიონული გაზეთების რედაქციებს სისტემატურად მოაწიონ გადაცემები და გამოაქვეყნონ სტატიები ხანძრისაგან ტყეების დაცვისა და გამაფრთხილებელი ზომების საკითხებზე.

4. აღნიშნული დადგენილება გამოქვეყნდეს პრესაში.

საქართველოს სსრ მინისტრთა საბჭოს
 თავმჯდომარის მოადგილე **შ. კიკნაძე.**

საქართველოს სსრ მინისტრთა საბჭოს
 საქმეთა მმართველი **ზ. ახვლედიანი.**

ქ. თბილისი, 1974 წ. 28 ოქტომბერი, № 577

92 საავტომობილო ტრანსპორტით ტვირთის გადაზიდვისას კონტაინერების არაჯეროვანი გამოყენებისათვის ტვირთგამზავნეთა, ტვირთფილავთა და ავტოსატრანსპორტო ორგანიზაციათა მატერიალური პასუხისმგებლობის შესახებ

სსრ კავშირის მინისტრთა საბჭოს 1974 წლის 21 აგვისტოს № 650 დადგენილების შესასრულებლად საქართველოს სსრ მინისტრთა საბჭო ა დ გ ე ნ ს:

1. დაწესდეს საავტომობილო ტრანსპორტით ტვირთის გადაზიდვისას კონტაინერების არაჯეროვანი გამოყენებისათვის ტვირთგამზავნეთა, ტვირთფილავთა და ავტოსატრანსპორტო ორგანიზაციათა შემდეგი მატერიალური პასუხისმგებლობა:

ა) თუ ავტოსატრანსპორტო ორგანიზაციები არ მიაწოდებენ ტვირთგამგზავნი დღის გეგმის შესრულებისათვის საჭირო კონტეინერებს, ტვირთგამგზავნი გამოიყენებს მიწოდებულ კონტეინერებს ან უარს იტყვის გეგმით გათვალისწინებულ კონტეინერებზე, დამნაშავე მხარე იხდის ჯარიმას შემდეგი ოდენობით:

- 10 მანეთს — კონტეინერისათვის, რომლის ბრუტო მასა 10 ტონაა;
- 5 მანეთს — კონტეინერისათვის, რომლის ბრუტო მასა 5 ტონაა;
- 3 მანეთს — კონტეინერისათვის, რომლის ბრუტო მასა 3 ტონაა;
- 1 მანეთსა და 50 კაპიკს — კონტეინერისათვის, რომლის ბრუტო მასა 3 ტონაზე ნაკლებია;

ბ) თუ ტვირთგამგზავნი არ შეასრულებს ტვირთის გადაზიდვის გეგმას დანიშნულების პუნქტების მიხედვით, იგი იხდის ჯარიმას შემდეგი ოდენობით:

- 3 მანეთს — კონტეინერისათვის, რომლის ბრუტო მასა 10 ტონაა;
- 2 მანეთს — კონტეინერისათვის, რომლის ბრუტო მასა 5 ტონაა;
- 1 მანეთს — კონტეინერისათვის, რომლის ბრუტო მასა 3 ტონაა;
- 50 კაპიკს — კონტეინერისათვის, რომლის ბრუტო მასა 3 ტონაზე ნაკლებია;

გ) დაწესებული ვადების გადამეტებით კონტეინერების დაგვიანებისათვის ტვირთგამგზავნი და ტვირთმიმღები იხდიან ჯარიმას შემდეგი ოდენობით:

- 30 კაპიკს საათში — კონტეინერისათვის, რომლის ბრუტო მასა 10 ტონაა;
- 20 კაპიკს საათში — კონტეინერისათვის, რომლის ბრუტო მასა 5 ტონაა;
- 10 კაპიკს საათში — კონტეინერისათვის, რომლის ბრუტო მასა 3 ტონაა;
- 5 კაპიკს საათში — კონტეინერისათვის, რომლის ბრუტო მასა 3 ტონაზე ნაკლებია.

2. დაწესდეს, რომ დადგენილი ვადების გადამეტებით კონტეინერების დაგვიანებისათვის ჯარიმას ავტოსატრანსპორტო ორგანიზაციები ტვირთგამგზავნსა და ტვირთმიმღებს ახდენინებენ უდავო (უაქცეპტო) წესით.

3. დამტკიცდეს საქართველოს სსრ მინისტრთა საბჭოს 1969 წლის 14 აგვისტოს № 495 დადგენილებით დამტკიცებული საქართველოს სსრ საავტომობილო ტრანსპორტის წესდების თანდართული ცვლილებანი.

4. ეს დადგენილება შემოღებულ იქნეს სამოქმედოდ 1975 წლის 1 იანვრიდან.

საქართველოს სსრ მინისტრთა საბჭოს
თავმჯდომარის მოადგილე **ზ. კიკნაძე.**

საქართველოს სსრ მინისტრთა საბჭოს
საქმეთა მმართველი **ზ. ახვლედიანი.**

ც ვ ლ ი ლ ე ბ ა ნ ი,

რომლებიც შეტანილია საქართველოს სსრ მინისტრთა საბჭოს 1969 წლის
 14 აგვისტოს № 495 დადგენილებით დამტკიცებულ საქართველოს სსრ
 საავტომობილო ტრანსპორტის წესდებაში

1. 110-ე მუხლის მესამე აბზაცი ჩამოყალიბდეს შემდეგი რედაქციით:
 „დაწესებული ვადების გადამეტებით კონტენერების დაგვიანებისათვის ავტოსატრანსპორტო საწარმოები და ორგანიზაციები, რკინიგზები და სანაოსნოები იხდიან ჯარიმას 5 ტონაზე მეტი ბრუტო მასის კონტენერის დაგვიანებისათვის ყოველ დღე-ღამეში 2 მანეთის ოდენობით, 5 ტონა და ნაკლები ბრუტო მასისა — 30 კაპიკის ოდენობით“.

2. 124-ე მუხლს დაემატოს შემდეგი შინაარსის ტექსტები:

ა) პირველი აბზაცის შემდეგ:

„ავტოსატრანსპორტო საწარმოები და ორგანიზაციები, ტვირთამგზავნი და ტვირთმიმღები ურთიერთ პასუხისმგებელი არიან მატერიალურად აგრეთვე გეგმით გათვალისწინებული კონტენერების მიუწოდებლობისათვის ან მათ გამოყენებაზე უარის თქმისათვის“;

ბ) მეხუთე აბზაცის შემდეგ:

„თუ ავტოსატრანსპორტო ორგანიზაცია არ მიაწოდებს გეგმით გათვალისწინებულ კონტენერებს, ტვირთამგზავნი არ გამოიყენებს მიწოდებულ კონტენერებს ან უარს იტყვის გეგმით გათვალისწინებულ კონტენერებზე, დამნაშავე მხარე იხდის ჯარიმას შემდეგი ოდენობით:

10 მანეთს — კონტენერისათვის, რომლის ბრუტო მასა 10 ტონაა;

5 მანეთს — კონტენერისათვის, რომლის ბრუტო მასა 5 ტონაა;

3 მანეთს — კონტენერისათვის, რომლის ბრუტო მასა 3 ტონაა;

1 მანეთსა და 50 კაპიკს — კონტენერისათვის, რომლის ბრუტო მასა 3 ტონაზე ნაკლებია.

დანიშნულების პუნქტების მიხედვით კონტენერებით ტვირთის გადაზიდვის გეგმის შეუსრულებლობისათვის ტვირთამგზავნი ავტოსატრანსპორტო ორგანიზაციას უხდის ჯარიმას შემდეგი ოდენობით:

3 მანეთს — კონტენერისათვის, რომლის ბრუტო მასა 10 ტონაა;

2 მანეთს — კონტენერისათვის, რომლის ბრუტო მასა 5 ტონაა;

1 მანეთს — კონტენერისათვის, რომლის ბრუტო მასა 3 ტონაა;

50 კაპიკს — კონტენერისათვის, რომლის ბრუტო მასა 3 ტონაზე ნაკლებია“.

შემდეგ როგორც ტექსტშია.

3. 139-ე მუხლის პირველი აბზაცი ჩამოყალიბდეს შემდეგი რედაქციით:
 „დაწესებული ნორმების გადამეტებით კონტენერის დაგვიანებისათვის

ტვირთვამგზავნი და ტვირთმიმღები საწარმოები, ორგანიზაციები და დაწესებულებები იხდიან ჯარიმას შემდეგი ოდენობით:

30 კაპიკს საათში — კონტეინერისათვის, რომლის ბრუტო მასა 10 ტონაა;

20 კაპიკს საათში — კონტეინერისათვის, რომლის ბრუტო მასა 5 ტონაა;

10 კაპიკს საათში — კონტეინერისათვის, რომლის ბრუტო მასა 3 ტონაა;

5 კაპიკს საათში — კონტეინერისათვის, რომლის ბრუტო მასა 3 ტონაზე ნაკლებია“.

4. 139-ე მუხლის მეორე აბზაცი ჩამოყალიბდეს შემდეგი რედაქციით:

„კონტეინერების დაგვიანებისათვის ჯარიმა გადახდებთ უდავო (უაქცეპტო) წესით, მიუხედავად კონტეინერებით ტვირთის გადაზიდვის გეგმის შეუსრულებლობისათვის გადახდილი ჯარიმისა“.

93 მუშაგისა და მოსამსახურეების აგრეთვე მასწავლებლების, პედაგოგებისა და სხვა სპეციალისტების ნუსხის დამტკიცების შესახებ რომლებიც მუდმივად ცხოვრობენ და მუშაობენ სოფლად და უფლება აქვთ ისარგებლონ საკარმიდამო მიწის ნაკვეთებით

საქართველოს სსრ მიწის კოდექსის 77-ე მუხლის II პუნქტის შესაბამისად საქართველოს სსრ მინისტრთა საბჭო ადგენს:

1. დამტკიცდეს ნუსხა მუშებისა და მოსამსახურეებისა, აგრეთვე მასწავლებლებისა, ექიმებისა და სხვა სპეციალისტებისა, რომლებიც მუდმივად ცხოვრობენ და მუშაობენ სოფლად და რომელთაც გამოეყოფათ საკარმიდამო მიწის ნაკვეთი 0,25 ჰექტარამდე საცხოვრებელი სახლებითა და სხვა ნაკებობებით დაკავებული ფართობის ჩათვლით (დანართის თანახმად).

2. დაევალოს საქართველოს სსრ სოფლის მეურნეობის სამინისტროს შემუშავების და საქართველოს სსრ მინისტრთა საბჭოს წარმოუდგინოს დასამტკიცებლად საქართველოს სსრ მიწის კოდექსის 119 მუხლის შესაბამისად იმ მუშაკთა კატეგორიების სია, რომელთაც უფლება აქვთ ისარგებლონ სამოსამსახურო მიწის ნაკვეთებით, და წინადადება ამ ნაკვეთების ოდენობის შესახებ.

3. ამ დადგენილების მიღებასთან დაკავშირებით ძალადაკარგულად ჩაითვალოს საქართველოს სსრ მინისტრთა საბჭოს 1965 წლის 4 იანვრის № 1 დადგენილება „საბჭოთა მეურნეობების, საწარმოების, დაწესებულებებისა და ორგანიზაციების იმ მუშა-მოსამსახურეთა საკარმიდამო მიწის ნაკვეთების შესახებ, რომლებიც სოფელ ადგილებში ცხოვრობენ“.

საქართველოს სსრ მინისტრთა საბჭოს
თავმჯდომარის მოადგილე **შ. კინაძე**.

საქართველოს სსრ მინისტრთა საბჭოს
საქმეთა მმართველი **წ. ახვლედიანი**.

საქართველოს სსრ მინისტრთა საბჭოს
1974 წლის 30 ოქტომბრის № 583
დადგენილების დანართი

ნ უ ს ხ ა

მუშებისა და მოსამსახურეებისა, აგრეთვე მასწავლებლებისა, ექიმებისა და სხვა სპეციალისტებისა, რომლებიც მუდმივად ცხოვრობენ და მუშაობენ სოფლად და რომელთაც გამოეყოფათ საკარმიდამო მიწის ნაკვეთები 0,25 ჰექტარამდე საცხოვრებელი სახლებით და სხვა ნაგებობებით დაკავებული ფართობის ჩათვლით:

— სოფლის მეურნეობაში მომუშავე სპეციალისტები (აგრონომები, ზოოტექნიკოსები, ვეტერინარი ექიმები, მიწათმომწყოები, ინჟინერ-მექანიზატორები, მელიორატორები, ელექტროინჟინრები, მშენებელი ინჟინრები, ეკონომისტები, ბუღალტრები, სტუკვასთან ბრძოლის სამსახურის, მისი ფილიალების, ექსპედიციებისა და ბაზების უფროსები, მათი მოადგილეები, განყოფილებების, რაზმებისა და ჯგუფების უფროსები, უფროსი ინჟინრები და ინჟინრები, სასოფლო პუნქტების უფროსი ტექნიკოსები და ტექნიკოსები, რადიო და სატელეფონო კავშირის მუშაკები, სარემონტო სახელოსნოების ინჟინერ-ტექნიკური პერსონალი, აგროეკონომისტები, ავტომძღოლები, რაკეტებისა და ჭურვების სპეცსაწყობების მუშაკები).

— საქართველოს სსრ მელიორაციისა და წყალთა მეურნეობის სამინისტროს ინჟინერ-ტექნიკური მუშაკები;

— რესპუბლიკური გაერთიანება „საქსოფლტექნიკის“ სისტემის ინჟინერ-ტექნიკური მუშაკები, ტრაქტორისტები და კომბაინერები;

— საქართველოს სსრ სასოფლო მშენებლობის სამინისტროს და „საქკოლმეურნეობის“ ინჟინერ-ტექნიკური მუშაკები;

— ექიმები, დაწყებითი, არასრული საშუალო და საშუალო სკოლების დირექტორები, სასწავლო ნაწილის გამგეები და მასწავლებლები, პროფტექნიკური განათლების სასწავლებლების დირექციის მუშაკები და მასწავლებლები, საბავშვო ბაგა-ბაღების გამგეები და აღმზრდელები;

— სასოფლო საბჭოსა და კავშირგაბმულობის მუშაკები.

საქართველოს სსრ მინისტრთა საბჭოს

საქმეთა მმართველი **ზ. ახვლედიანი.**

СОБРАНИЕ ПОСТАНОВЛЕНИЙ ПРАВИТЕЛЬСТВА
ГРУЗИНСКОЙ ССР

№ 5 за 1974 год.

ბაზოზმცემელი: საქართველოს სსრ იუსტიციის სამინისტრო

ხელმოწერილია დასაბეჭდად 11/111-75 წ. ქალღლის ზომა 70×108¹/₁₆
საბეჭდი თაბახი 4, სააღრიცხვო თაბახი 4.

წლიური ხელმოწერის ფახი 8 მახ.

618/102